

bosansko-hercegovački magazin

Europa

oktobar 2013

Treniranje pravovjernog bošnjaštva

Otpis građana BiH

SAD ponovo pred finansijskim kolapsom



ISSN 1030-3433

ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

6065 Lake Forrest Dr.
Suite 200
Atlanta, GA 30328



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Treniranje pravovjernog bošnjaštva

6. Bosna i Hercegovina

Otpis građana BiH

18. Amerika

SAD ponovo pred finansijskim kolapsom

20 Intervju:

Mustafa ef.Spahić:

Volio bih deset puta umrijeti, nego dočekati bošnjačku republiku

30 Reportaža

Kulinarske putešestvije (20):

Ni Hercegovački, ni Bosanski, ni

Turski već Sarajevski (2dio)

32 Nauka

34 Automobili

36 Film

38 Sport

39 Muzika

42 Horoskop

44 Zabava

46 Oglasi



FOREIGN LANGUAGE SERVICES LLC

Vesna Galtere

OVLAŠTENI SUDSKI TUMAČ ZA BOSANSKI I HRVATSKI JEZIK

usluge prevodjenja na sudu, kod liječnika i dr.
ovjereni prijevodi dokumenata: vjenčani, rodni list i sl.

**Registered and Licensed Court Interpreter
for Bosnian and Croatian language**

Cell: 404-735-4383 Fax: 480-247-4567
vgaltere@gmail.com
vgaltere@foreignlanguageservices.net



NOVI TV PROGRAM NA VAŠEM JEZIKU



www.bosnianyellowpages.us
jedna web stranica za sve vaše potrebe

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego sto mislite!



tel.: + 387 33 580 900
fax: + 387 33 580 909
prodaja@hayat.ba
www.hayat.ba

Treniranje pravovjernog bošnjaštva

Ovih dana – čitajući dramatične a u nekim slučajevima i tragikomične apele i pozvanih i nepozvanih o “sudbinskom značaju” naročito za Bošnjake predstojećeg popisa stanovništva u Bosni i Hercegovini – ne mogu a da se ne sjetim jedne zgrade iz godina mog dopisnikovanja u Njujorku ranih osamdesetih (koju sam u nekom kontekstu i ranije spominjao):

Pošao nam, dakle, u posjetu Sarajlija kojeg sam sreo u Njujorku i rekao uniformisanom portiru na ulazu u moju zgradu kako dolazi u posjetu “jugoslovenskom novinaru” koji tu živi. “Bošnjak?” – pitao ga portir. “Da, Bošnjak” – potvrdio je moj posjetilac. Kad je portir interfonom nazvao stan “jugoslovenskog novinara” moj posjetilac je radosno uzviknuo: “Kako si Kemo, Hamo ovdje”. Glas s druge strane je odgovorio: “Nije Kemo, ovo je Zoran Bošnjak (dopisnik “Vjesnika”), a Kemo vam je na dvanestom katu”.

Tako je, eto, propao udruženi pokušaj njujorškog portira i bosanskog emigranta da me desetak godina prije nego što će to postati ustavno ime za moj narod uguraju u Bošnjake.

Ovih dana na tome udruženo rade mudre bošnjačke glave u vidu, što stvarne-što samozvane, intelektualne elite. S približavanjem popisa, prvog u Bosni i Hercegovini još od predratne 1991. godine, sve je očitija uznemirenost među promotorima pravovjernog bošnjaštva koji se – dvadeset godina nakon preimenovanja Muslimana iz popisa 1991. u Bošnjake – pomalo panično pitaju: jesu li za te dvije decenije Bošnjaci dovoljno osviješteni da na popisu ne naprave “katastrofalnu”, “nepopravljivu”, “istorijsku” grešku.

“Čekićanje” poželjnog “jedino pravog” izjašnjenja u nacionalnu svijest Bošnjaka dostiže razmjere horskog pjevanja u kojem i djeca predškolskog uzrasta – u zabrinutosti za stanje nacionalne svijesti – deklamuju: “On meni: Bosanac, kakav Bosanac – Bošnjak”.

Zanimljivo, kao eksperiment u treniranju nacionalnog jednodušja, djeca od sedam godina i akademici od sedamdeset ponavljaju istu popisnu formulu: “Nacija – bošnjačka; država – Bosna (i Hercegovina); jezik – bosanski”.

Nemam naročitih ličnih problema s tom formulom jer ne znam kako bi se drugačije mogli izjasniti Bošnjaci: Bosna i Hercegovina jeste njihova država; jezik im jeste bosanski onoliko koliko je to Hrvatima hrvatski a Srbima srpski; a raniji eksperimenti s njihovim nacionalnim

identitetom u kojima su imali slobodu da se izjašnjavaju i kao Srbi ili Hrvati i kao neopredijeljeni i na kraju kao ustavno priznati Muslimani više su doprinosili zbunjenosti nego afirmaciji njihovog nacionalnog bića.

To je kontekst u kojem je u jeku opsade Sarajeva, prije dvadeset godina – 27. septembra 1993, bez mogućnosti prethodne javne rasprave i demokratske konsultacije onih kojih se to najviše tiče, održan Svebošnjački sabor koji će biti zauvijek obilježen s dvije donesene odluke:

*Jedna je – obacivanje Ženevskog mirovnog plana po kojem bi Bosna i Hercegovina postala “unija tri republike” (zanimljivo – ovih se dana, dvadeset godina poslije, obnavljaju politički nagovještaji sporazuma koji

bi prečutno značio uspostavu trećeg entiteta što je približno rješenjima odbačenim ratne 1993.);

*Druga je – u Deklaraciji tog sabora – glasila: “Svjesni povijesnog značenja momenta u kojem se sastajemo, kao i iskušenja koja nas



čekaju, odlučni smo da našem narodu vratimo njegovo povijesno i narodno ime Bošnjak, da se na taj način čvrsto vežemo za našu zemlju Bosnu i njenu državopravnu tradiciju, za naš bosanski jezik i sveukupnu duhovnu tradiciju naše povijesti”.

Dvadeset godina kasnije, narod koji niko nije pitao ni kad su mu davali ni kad su mu uzimali ili vraćali imena, treba – pored ostalog – da se prvi put izjasni i o svojoj nacionalnoj pripadnosti. Razumijem uznemirenost promotora “jedino ispravnog odgovora” ali ne dijelim njihove motive ni metode.

Prvo: u vezi s tvrdnjom o “sudbinskom karakteru” popisa.

Ona – čini mi se – počiva na vjerovanju kako brojke i procenti o udjelu Bošnjaka u ukupnom bosanskohercegovačkom stanovništvu određuju i količinu njihovog vlasništva nad bosanskom državom. Riječ je o svojevrsnoj podvali jer su “prvi u Bošnjaka” još ratne 1995. godine prihvatili dejtonski ustav kojim se Bosna i Hercegovina uređuje kao država tri konstitutivna naroda u kojoj jednaka prava ima i najmalobrojniji i najbrojniji narod i to se neće promijeniti popisom. Skloniji sam da na popis gledam kao na statističku operaciju izuzetnog značaja za planiranje društvenih potreba i razvoja i bilo čije izjašnjavanje za bilo koju nacionalnu pripadnost ne

može mi povećati ni krvni pritisak ni tjelesnu temperatura.

Drugo: u vezi sa samozvanim pomotorima bošnjaštva.

Vrlo sam skeptičan kad vidim kako se kao prvoborci "afirmacije bošnjaštva" pojavljuju ljudi koji su, poput doskorašnjeg poglavara Islamske zajednice, koliko juče klikitali "Turska je vazda bila naša mati, tako je bilo i tako će ostati" ili oni koji bi da iz statusa statističke većine projektuju i veća prava svoga i poniznost drugih naroda čime određuju i žalosni status pripadnika vlastitog naroda na teritorijama na kojima su manjina ili pak oni koji su poistovjećujući bošnjaštvo s islamskom

vjeroispoviješću doprinosili mogućoj popisnoj konfuziji između vjere i nacije.

I treće: u vezi s metodima.

Mislim da pozivi na "nacionalno osvještenje", bilo da dolaze od akademskih mudrih glava bilo od djece koja u propagandističkim spotovima daju "jedino ispravan odgovor" o naciji i jeziku, predstavljaju potcjenjivanje zrelosti i neukusno izrugivanje pripadnicima naroda u ime čije se afirmacije sve to navodno radi.

Kemal Kurspahić
Radio Slobodna Evropa



DMS

Dino Multi-Services

PREVODI, NOTARSKI I ADMINISTRATIVNI POSLOVI

Pružamo usluge:

- Notara, Apostille (međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO

LERO TRAVEL
Phone 404-660-0910
Enver Šejtanić



1405 Wheatfield Drive
Lawrenceville, GA 30043

enver@lerotravel.com
Save money Book online

www.lerotravel.com

LION TAIL
REALTY, LLC



PRODAJETE ILI KUPUJETE KUĆU?
ZA MENE BITI REALTOR ZNAČI
MNOGO VIŠE OD PRODAJE KUĆE
MOJE USLUGE SU FOKUSIRANE NA
USPJEH U OSTVARENJU VAŠIH SNOVA



Direct:
(678) 735-8397
Suada@LionTailRealty.com
LionTailRealty.com

Suada Nisic Realtor®
HUD Expert, Buyer's Advocate, Listing Specialist



JEFTINE AVIONSKE KARTE LLC
Samo Ptice Lete Jeftinije



Jazmir Bešlija
owner

336 Springhaven Rd,
Lawrenceville, GA 30046

Tel 770.963.9684 ili 770.963.9685
Fax 888.404.8088
TravelBiH@Hotmail.com
www.TravelBiH.com

Otpis građana BiH

Građani u inostranstvu su i definitivno otpisani kada je riječ o njihovom učešću u predstojećem popisu stanovništva u BiH. Kome je stalo da imovina više od milion stanovnika ne bude popisana?

Građani BiH koji žive u inostranstvu će tokom popisa stanovništva u BiH biti definitivno otpisani, ističu ogorčeno predstavnici udruženja bh dijaspore. Predsjednik Svjetskog saveza dijaspore BiH (SSD) Zaim Pašić sa sjedištem u Engleskoj smatra da je to ogroman propust političara i poniženje za građane koji su protjerani i koji se nikada nisu odrekli BiH kao domovine. Popis je, ističe on, u direktnoj vezi sa Dejtonskim mirovnim sporazumom, jer nikada do kraja nije proveden famozni Aneks 7 i povratak stanovnika u njihova prijeratna mjesta prebivališta.

„Mi smo jako nezadovoljni političkim strukturama u BiH, ali i predstavnicima međunarodne zajednice, jer su zanemarili činjenicu da 1,3 miliona građana nema mogućnost da bude popisano“, kaže Pašić.

Bosanskohercegovačka dijaspora, prema riječima Zaima Pašića, nije klasično ekonomsko iseljništvo, kao što je to slučaj sa većinom drugih zemalja, već je u velikom broju čine prognanici i baš zbog toga je tim ljudima trebalo dati priliku da budu popisani.

„Kome je to stalo da pokretna i nepokretna imovina više od milion ljudi izvan granica BiH ne bude popisana? Zašto se nije organizovao popis stanovništva kao u Srbiji i Hrvatskoj, koje su popisivale građane izvan svojih granica i to putem diplomatsko-konzularnih predstavništava, udruženja i vjerskih zajednica“, pita se Haris Halilović, potpredsjednik Svjetskog saveza dijaspore i bivši generalni konzul BiH u Stuttgartu.

Uzeti godišnji odmor i prisustvovati popisu

Samo oni građani iz dijaspore koji posjeduju CIPS-ove dokumente i tokom popisa stanovništva od 1.-15. oktobra budu prisutni na svojim adresama u BiH ući će u zvanični broj stanovnika. Ostali će se popisivati putem obrazaca sa internet stranice Agencije za statistiku BiH i njihovi podaci će se naći na posebnom spisku, koji ne ulazi u zvaničnu statistiku popisa stanovništva u BiH. Zbog toga predstavnici SSD-a pozivaju građane da tokom popisa borave na svojim adresama u BiH. „Svjetski savez dijaspore apeluje da oni koji mogu od 1.-15. oktobra borave na svojim adresama i da se popišu onako kako misle da treba. To je jedino što se u ovom trenutku može uraditi“, naglašava Pašić.

To je i za građane koji žive u Njemačkoj, poput Anela

Donlagića i Srđana Leke, a koji posjeduju bh. pasoše, neprihvatljivo i oni su ogorčeni i razočarani odnosom vlasti prema građanima u inostranstvu.

„Mislim da je skandalozno da se dijaspora koja je protjerana ne nađe na tom popisu i da je popis bez efekta. Zahhtjevati od dijaspore da svojim sredstvima dolaze na popis je neizvodljivo, jer nema niko ni odmora, ali ni sredstava da bi samo zbog popisa došao u BiH“, rekao je Donlagić.

„To je bruka, ali nije ništa novo za našu državu. Nas ovdje niko ništa ne pita i sada nas i ne popisuju. To znači da ne postojimo. Došao sam u situaciju da se ne osjećam kao Bosanac, jer ja nikoga u toj zemlji ne interesujem. Dođe mi da uzmem njemačko državljanstvo i da se oprostim od BiH“, kaže Srđan Leke.

Političare u BiH ne interesuje dijaspora

Čelnici SSD-a su održali sastanke sa predstavnicima Predsjedništva i Parlamenta BiH, kao i Agencije za statistiku BiH. Imali su i gotov projekat za otvaranje centara za popis u okviru diplomatsko-konzularnih predstavništava BiH, kao i udruženja u dijaspori i to po uzoru na popis susjednih zemalja Srbije i Hrvatske. Međutim, to, kako kažu, niko nije uzeo u razmatranje. Dijaspore će biti popisana tek reda radi i neće ući u konačnu statistiku.

„To je sramota, jer samo u Njemačkoj živi oko 250.000 građana porijeklom iz BiH, a oko 160.000 njih posjeduje bh. pasoš. Predlagali smo da se bar osnuje informativni centar u Njemačkoj kroz koji bi se građani mogli informisati kako da se popisuju, ali ni to nije prihvaćeno.“, ogorčen je Halilović.

Bosanskohercegovački političari ističu da se popis odvija u skladu sa standardima Evropske unije po kojima svi oni koji više od 12 mjeseci žive izvan domovine nemaju pravo da budu popisani. Međutim, oko pola miliona građana iz BiH živi izvan Evrope. Predstavnici SSD-a su tražili da se bar njima odobri pravo popisa, ali je i taj prijedlog odbijen.

„Dok druge zemlje vode računa o svojim građanima izvan matice i očuvanju njihove kulture i jezika, BiH se ni na jedan način ne zauzima za to. Srbija ima ministarstvo za dijasporu. U Hrvatskoj su predstavnici dijaspore dobili i zastupnička mjesta u Saboru. Slovenija se izuzetno dobro brine i pomaže svoje iseljenike, a naši političari okreću leđa ovom ogromnom resursu.“, rekao je Zaim Pašić.



Haris Halilović

Michael E. Carroll & Associates, LLC Attorneys At Law

**Michael E. Carroll, Esq.
&
Christopher S. Walker, Esq.**



Michael Carroll

Christopher Walker

Radimo u oblastima:

Osobne povrede zadobivene:

- * Na radu
Worker's compensation**
- * U saobraćajnim nesrećama
Car accident**
- * Krivično pravo
Criminal Law**
- * Bankroti**
- * DUI**

Call:

**Satellite Court
2250 Satellite Boulevard, N.W.
Suite 205
Duluth, GA 30097**

678-473-9472

Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.

- PREVODILAC NA RASPOLAGANJU -

Zamke i zablude u nacionalnom izjašnjavanju

Izbjegavanje vlastitog nacionalnog imena ima veoma važne reperkusije i u pogledu povijesti, a ne samo suvremenosti. Pod povijesnim imenom BOŠNJACI, ta etnička zajednica je ostvarila određene rezultate, kreirala je određenu povijest, i odričući se toga imena ja bih se odrekao i te povijesti. A šta smo mi bez povijesti? Obezličena amorfna masa koja, budući bez povijesti, nema ni budućnosti, i stoga je - kao dezorijentirana - vrlo podatna istrebljivačkim pohodima.

Otkako su počele pripreme za popis stanovništva, Bošnjaci su u znatnom broju zbunjeni, smeteni. Znajući za tu njihovu zbunjenost i podstičući je, vršljaju unaokolo kojekakvi eksperti-misionari koji navode na pogrešan put; neki od njih nisu iz bošnjačkog nacionalnog korpusa, čak ne govore bosanskim jezikom, pogotovu ne govore u bošnjačkom interesu. Ima više razloga za tu zbunjenost kojoj bi dobro pristajalo i ime: neosviještenost.


Prije svega, valja imati u vidu da je tokom niza decenija Bošnjacima bilo oduzeto njihovo nacionalno ime (Bošnjak), pa su bili prisiljeni da se izjašnjavaju na više načina (kakva "velikodušnost"!). Tako su neki postali Muslimani u etničkom smislu, što nikada i nigdje u svijetu nije zabilježeno, jer je to svuda oznaka za vjersku pripadnost; da se izjašnjavaju kao

Srbi ili Hrvati, ili - kao neopredijeljeni... Šta znači biti neopredijeljen u nacionalnom smislu?! To je naročito individualno i kolektivno poniženje (dakle, ti si NIŠTA!); to je marginalizacija ili izopćenje pa tako i zlostavljanje naročite vrste koje se nad Bošnjacima vršilo decenijama, u kome su odrastale generacije. No, mnogi su radije pristajali da se izjašnjavaju i kao neopredijeljeni nego da budu ono što zapravo nisu (Srbi ili Hrvati). Takvo ponašanje prema jednom narodu tokom duga vremena stvorilo je veliki kompleks u vezi sa osjećanjem samobitnosti i osviještenosti, održavalo je njihov osjećaj marginalizacije i nesigurnosti. Dotle drugi narodi s kojima su živjeli u istoj zajednici (paradoks: u zajednici u kojoj je neravnopravnost na taj bitni način institucionalizirana) nisu imali nikakvih problema ili dilema u vezi sa osjećanjem i izražavanjem nacionalnog identiteta, štaviše - neki su ga doveli do najvišeg izraza supremacije a katkad i do pogubnih oblika antagonon nacionalizma.

Kao nastavak te duge prakse poricanja bošnjačkog nacionalnog imena, otupljivanja svijesti o nacionalnom identitetu, izvršena je i nedavna trostrana agresija - sa elementima genocida - na Bosnu i Hercegovinu, tačnije na Bošnjake, jer agresori, kao i današnji bosanskohercegovački secesionisti/irentisti, znaju da nema BiH bez Bošnjaka, niti može biti ovdje Bošnjaka bez BiH. Riječ je, dakle, o kontinuiranju iste ideje/

"Čuvajte i očuvajte svoju naciju i ime **BOŠNJAK**, vjeru i tradiciju. Gubitak identiteta plaća se **ropstvom i poniženjem.**"

Alija Izetbegović



cilja: Bošnjake je trebalo djelomično eliminirati i dezorijentirati oduzimanjem njihovog nacionalnog imena, potom ih ratom i genocidom djelomično pobiti i jednim dijelom ih protjerati. Iz toga proizlazi - očigledno je - da su Bošnjaci ovdje konstantna povijesna meta. Predstojeći popis stanovništva nastoji se, s nekih strana i perfidnim sredstvima, uvesti u taj krajnje negativan kontekst: treba ih zbuniti kako da se izjašnjavaju, zato da bi ih bilo što je moguće manje, a isti cilj imala je agresija. Za to se pripremao konfuzan popisni materijal, dok istovremeno djeluju spomenuti "misionari". Bilo bi idealno kada bi naše društvo/država počivalo na principima građanske države - tada broj pojedinih naroda ne bi bio važan kao što jest u faktičkom slučaju. Međutim, međunarodna zajednica je konstruirala državu tako da funkcionira na principima etničkih zajednica (njihove brojnosti) i stoga je nastavljačima agresije važno smanjiti broj Bošnjaka što je moguće više. Dakle, čitav povijesni kontekst i naša krajnje ružna državno-politička stvarnost ukazuju na to da nije riječ o običnom popisu stanovništva. Potpuno je nejasno kako to nije svakome jasno. No, ovom prilikom želim ukazati na još neke važne aspekte bošnjačke djelomične smetenosti, ili neosviještenosti, u vezi sa izražavanjem nacionalnog identiteta.

1. Najprije se zdravom razumu nameće pitanje: Kakav je to čovjek, uopće, koji ni dan-danas ne zna koje je nacije, koji ne zna kako da se izjasni u tom pogledu, pa tumara između lažnih (podmetnutih) dilema je li Bošnjak, Musliman, Bosanac, Hercegovac... Naprosto je nenormalno da neki ljudi ne znaju kojoj naciji pripadaju, odnosno kako se ona zove.

2. Bježanjem od povijesnog nacionalnog imena (Bošnjak), mnogi pokušavaju - na potpuno pogrešan način - "izraziti" svoj navodni internacionalizam, kosmopolitizam, navodnu svijest o nadnacionalnom, tačnije - o anacionalnom kao vrlini. I to je posljedica kompleksa koji je ljudima dugo nametan. Svi narodi u modernom, civiliziranom svijetu, s ponosom ističu svoj nacionalitet, znajući da to nema nikakve negativne veze s njihovim internacionalizmom, naprotiv: nacionalnosti grade internacionalizam. Treba najprije jasno izraziti svoju (autentičnu) nacionalnu opredijeljenost i osviještenost da bi čovjek mogao postati internacionalist. Oni Bošnjaci koji su smeteni u tom pogledu forsiraju svoj navodni internacionalizam kao anacionalnost na lokalnoj razini, izjašnjavanjem kao Bosanac i sl., ne znajući da je to oznaka pripadnosti državi, a da ta država - nažalost i gle paradoksa! - funkcionira upravo po ključu etničkoga. Takvim izražavanjem anacionalnosti pokazuju koliko, zapravo, ne shvaćaju suštinu stvari, te da su i logički i politički inferiorni u datom kontekstu i konstelacijama.

3. U vezi s nacionalnim izjašnjavanjem, potrebno je posvetiti pažnju sljedećem mehanizmu koji je vrlo složen a neumoljivo je zakonomjeran. Naime, uvijek se ukazuje na to kako je nacionalno izjašnjavanje individualni čin, izraz slobodne volje i osjećanja. To jest tačno. Stoga se ne smije vršiti prisila. Međutim, iza toga ima nešto fundamentalno važno, i zato je potrebno tumačiti posljedice tako slobodno izražene volje. Naime, mi funkcioniramo kao društvo, pa se i čin slobodne volje ograničava potrebama društva/zajednice u kojoj ostvarujemo svoja individualna i kolektivna prava. Drugim riječima, svojim izjašnjavanjem o nacionalnoj pripadnosti, ja, ti, on - kao zbir/društvo slobodnih individua - sudbinski utječemo na ostvarivanje individualnih i kolektivnih prava drugih (onih prava koja se realiziraju u društveno-političkoj zajednici u svim njenim sferama), dakle i na prava svoje djece, roditelja,

svih svojih sunarodnika. To je stoga što zajednica, voljom konstruktora Dayton, funkcionira na principu etničkoga. Skup individua čini društvo, i stoga je pogrešno misliti kako se moje izjašnjavanje tiče samo mene: ono se tiče i mene, ali i svih mojih, kao i cijele zajednice. Dakle, nacionalno izjašnjavanje u popisu stanovništva nije proizvoljan, neobavezujući individualni čin, već je to čin krajnje odgovornosti prema svima onima s kojima/među kojima, kao u društvu, ostvarujem svoja prava i obaveze. Shvatiti to izjašnjavanje kao sasvim neobavezujuću slobodnu volju, znači izraziti društvenu nezrelost i političku neosviještenost u realno postojećim konstelacijama, i znači pristanak na fatalne manipulacije koje - danas i ovdje - vode ka potpunoj marginalizaciji jedne etničke zajednice kao društvenog kontituenta i relevantnog političkog subjekta.

4. Izbjegavanje vlastitog nacionalnog imena ima veoma važne reperkusije i u pogledu povijesti, a ne samo suvremenosti. Pod povijesnim imenom BOŠNJACI, ta etnička zajednica je ostvarila određene rezultate, kreirala je određenu povijest, i odričući se toga imena ja bih se odrekao i te povijesti. A šta smo mi bez povijesti? Obezličena amorfn masa koja, budući bez povijesti, nema ni budućnosti, i stoga je - kao dezorijentirana - vrlo podatna istrebljivačkim pohodima.

5. Najzad odricanje od toga imena u povijesti i sadašnjosti (to ime i svi rezultati vezani za njega jesu faktičko stanje!) i prihvaćanjem nekog drugog imena, ja bih izvršio naročitu vrstu krivotvorenja (izdavao bih se za ono što u stvari nisam); bio bih čovjek bez samopoštovanja, koji stoga ne može računati na to da ga poštuju drugi.

6. U aktualnim tumačenjima važnosti ovoga popisa, uglavnom se naglašavaju njegove tri komponente kao jednako važne - nacionalnost: Bošnjak, jezik: bosanski, budući da se on često, a neutemeljeno nastoji osporavati; vjeroispovijest: musliman. U ovome izjednačavanju prioriteta, sugerira se povlačenje znaka jednakosti između pripadnosti bošnjačkoj naciji i vjeri islamu, odnosno, i u krajnjem - povlači se znak jednakosti između nacionalnog i vjerskog, a to jest pogrešno i može biti kontraproduktivno, jer treba uvažavati činjenicu da ima Bošnjaka koji uopće nisu vjernici. Uostalom, tokom proteklih nepunih dvadesetak godina razvijana je upravo ta tendencija poistovjećivanja nacionalnog i vjerskog, što ide u prilog brojnim faktorima (i onim agresivskim) da se Bošnjaci svedu u gabarite vjerske zajednice. Stoga je važno akcentirati - u datim okolnostima kao izuzetne faktore političkog subjektiviteta - nacionalnu pripadnost (Bošnjak) i jezik (bosanski), a vjeroispovijest, naravno, ostaje stvar najvišeg izraza važne, ali nepolitične intime.

Pravilno, vjerodostojno nacionalno izjašnjavanje u popisu stanovništva treba da bude zaista slobodno, što znači bez bilo koje vrste zbunjivanja naroda i bez krivotvorenja. Jedino tako rezultati mogu biti realni, i ne na štetu bilo čiju. Stoga i Bošnjaci mogu biti samo Bošnjaci: takvim izjašnjavanjem, oni trgaju onaj kontinuitet o kojem sam na početku govorio kao o metodi njihove marginalizacije ili istrebljenja; na taj način uvažavaju vlastitu povijest ostvarenu pod tim imenom; ispoljavaju odgovornost prema najbližima; na taj način izražavaju samopoštovanje i samosvijest...

Nema nijednog razumnog razloga da budu bilo šta osim ono što jesu - Bošnjaci.

Esad Duraković.

BiH u blatu dužničkog ropstva

U odnosu na broj stanovnika, RS je dvostruko zaduženija od FBiH. U oba bh. entiteta uzimaju se novi krediti za otplatu starih. "Mi smo u dužničkom ropstvu, samo nam to još niko nije rekao, tvrde bh. analitičari.

Zaduženja se ubrzano nastavljaju, a ukupan vanjski i unutarnji dug BiH sad je već teško proračunati. Što je najgore, samo deset odsto zaduženja odnosi se na stimuliranje privrednog razvoja, dok je ostatak namijenjen pokrivanju budžetskih deficita, odnosno javnoj potrošnji glomazne administracije.

„Jedini lijek promijeniti vlast“

Profesor dr Mladen Ivanić, ekonomist i političar, objašnjava zašto Republika Srpska duguje 4,6, a Federacija BiH, sa dvostruko više stanovnika, "samo" 4,3 milijarde KM. "To je tako zato što je ova vlast vodila jednu neodgovornu politiku. Ona je, nakon što je potrošila 1,5 milijardu KM od privatizacije Telekomu, uspjela još uz to da poveća spoljni dug. To je, izgleda, uspjelo samo Republici Srpskoj, ali je to posljedica jedne potpuno neodgovorne politike koja vodi potpunom ekonomskom kolapsu u Republici Srpskoj."

Ivanić dodaje da treba pokušati napraviti koncept ekonomskog razvoja, a ne ekonomske potrošnje. "Nije njih briga za sistem, nije njih briga za uređenje, njih je briga za dobru poziciju njihovih prijatelja. Lijeka trenutno nema, a jedini lijek je promijeniti ovu vlast," kategoričan je Ivanić.

Pogrešan privredni sistem

Duguje država, duguju kantoni, općine i gradovi, duguju preduzeća i građani. Ekonomski analitičar profesor dr Aleksa Milojević tvrdi da je sve posljedica jednog potpuno pogrešnog

privrednog sistema. "Naš privredni sistem je prenio težište razvoja tamo gdje ga nema. Prenio je težište razvoja na pojedince. Onda vlasti ne rade ništa drugo nego pljačkaju narod i prebacuju ta bogatstva u ruke pojedinaca nadajući se da će pojedinci razviti privredu. Međutim, oni će samo taj novac pokupiti i negdje raznijeti po svijetu. Imamo vlade koje ne znaju od svojih raspoloživih prirodnih bogatstava i nezaposlenog naroda da prave razvoj."

Profesor Milojević se osvrće na iskustvo zaduženih, a nerazvijenih država. Kaže da je kod takvih država prava ekonomska mjera da dug ne može biti veći od trećine izvoza. "Bosna i Hercegovina sada ima oko šest milijardi izvoza, a to znači da je gornja granica naše zaduženosti dvije milijarde. A Bosna i Hercegovina već je zadužena blizu osam milijardi. To znači da smo mi u dužničkom ropstvu, samo nam to još niko nije rekao. Naravno, ova vlast nikad neće ni reći, nego ćemo to platiti velikom cijenom. Jednim produbljenim siromaštvom i, vjerovatno, propadanjem u potpuno kolonijalno ropstvo."

Dugogodišnje iluzije i nerad

Igor Gavran, projekt menadžer Vanjskotrgovinske komore BiH, kaže da zaduživanje u BiH godinama prate iluzije predstavnika vlasti, te da se i dalje ne shvata suština. "Suština problema duga, i Bosne i Hercegovine i svake druge države, jeste za šta se taj dug koristi i koliko je on održiv, odnosno, koliko se može servisirati. A to je ključni problem Bosne i Hercegovine koja ni prije nekoliko godina nije bila u stanju da održivo servisira taj dug u potpunosti, već se morala zaduživati iznova da bi vratila dospjele kamate i rate," podsjeća Gavran.

Dodaje da novac još uvijek ne ide u produktivne projekte, što stanje zaduženosti čini nepodnošljivim. Za njega je poređenje sa zaduženošću razvijenih zemalja, poput Njemačke, potpuna besmislica i zamajavanje javnosti. Ne vidi spremnost da se problemi saniraju. "Puno je lakše zadužiti se kod MMF-a ili kod nekoga drugog. Preživjeti do sljedećih izbora, pričati kako smo umjereno zaduženi. Ono što ja vidim kao realnu perspektivu je dalji rast zaduživanja, a ono što vidim kao put kojim bi trebalo ići jeste suočavanje sa stvarnošću. Postupni prestanak novih zaduživanja, korištenje novca za produktivne stvari, korištenje besplatnog novca, da tako kažem, kao što su sredstva EU koja nam se uskraćuju zbog naših grešaka."



Muke poljoprivrednika: gdje prodati proizvedeno

The **Klob**
Law Firm, LLC

7764-A HAMPTON PLACE
LOGANVILLE, GA 30052

**Nalazimo se u Hampton Place Plazi
(Preko puta McDonald's u Loganvillu)**

Invalidska penzija

Povrede na radnom mjestu

Auto udesi

Vojna penzija

Da li ste primili odbijenicu iz državne ustanove za invalidsku penziju?

Da li ste imali povredu na radnom mjestu?

Da li ste imali auto udes ili Vam treba pomoć advokata u vezi Vaše vojne penzije?

Dopustite da Vam advokat Tim Klob (komandant američke Armije) i njegova advokatska kancelarija pomognu i posvete Vašem slučaju pažnju koju zaslužujete!

Pozovite nas danas na **678-269-6526**
ili posjetite našu web stranicu **www.kloblawfirm.com**

Pozovite i zakažite Vašu
besplatnu konsultaciju!



Zastupamo našu zajednicu iskreno i sa pažnjom kroz mnogo godina iskustva.

posna i hercegovina

* SECURITY
* JANITORIAL
SERVICES

NOW LEASING
Atkinson Arbors
Office Suites

* GATED
COMPLEX
* LOBBY &
BREAK ROOM

Starting at
\$250.00

Up to
4,000 sq.ft.
available

Call 770-317-7124

1530 Atkinson Road, Lawrenceville, GA 30043

Iza mog progona stoji Izetbegović

Slobodno napiši da iza mog progona stoji Bakir Izetbegović koji je odgovoran za ubojstvo Joze Leutara jer je isto naredio da izvrši Ismet Bajramović Čelo.

Mene se najviše plaše onih koji stoje iza montiranja sudskog postupka u slučaju Leutar, a sve iz razloga što ministar sigurnosti BiH Fahrudin Radončić za njegovo ubojstvo optužuje bošnjačku državnu mafiju kojoj je na čelu Bakir Izetbegović. Pozivam Bakira Izetbegovića da se ja i on podvrgnemo poligrafu u Republici Hrvatskoj, da vidimo tko je kriv za Leutarovu likvidaciju. Bakir se boji upravo ovakvog mog prozivanja i spreman je na sve jer isti kontrolira političko i kriminalno podzemlje u Bosni i Hercegovini!

“Otišao sam jer nemam povjerenje u pravosudni sustav BiH”, rekao je Dominik Ilijašević Como, za kojim su BiH vlasti raspisale tjeralicu, nakon što se nije sa odmora vratio na odsluženje 15-godišnje zatvorske kazne u mostarski zatvor. Como se nalazi se u Hrvatskoj, u Viru kod Zadra što je osobno potvrdio za portal DalmacijaNews.

“Zašto sam se odlučio na odlazak u Hrvatsku? Zato jer više nisam imao povjerenje u pravosudni sustav BiH, niti sam vjerovao da će me pustiti na slobodu nakon dvije trećine odslužene kazne, koju sam služio u mostarskom Kaznenopopravnom zavodu. Zato sam došao u Hrvatsku, prijavio se MUP-u RH, dao točnu adresu na kojoj se nalazim, i sada čekam da dođu po mene. Jednostavno, želim ostatak kazne odslužiti u Hrvatskoj, jer vjerujem da će me u Hrvatskoj pustiti nakon dvije trećine odslužene kazne”, kaže Como.

Izetbegović kontrolira podzemlje

Na upit postoji li još koji razlog zbog kojeg se odlučio na



Bakir Izetbegović

Zia Travel

Independent Travel Agent
Raziya Poric


6414 A. Hampton Ave, Suite 3
St. Louis, MO 63109

314-638-7347

toll free 877-540-6729

cell 314-600-3265

ziatravelstl@yahoo.com




VIRTUAL PROPERTIES REALTY

Osman "Cico" Vujinovic

cell: 404-550-8054
fax: 404-641-1831
e-mail: osmanvu@gmail.com

**Specijalnosti:
bankovne kuće,
foreclosure i HUD kuće**



posna i hercegovina



GLEDAJTE TV KANALE NA IPHONE/IPOD/IPAD BESPLATNO!



**BESPLATNO NA
APP STORE "FASTV"**

www.FASTV.com • 1-866-639-8911

dolazak u Hrvatsku, Como je bio otvoren.

“Slobodno napiši da iza mog proгона stoji Bakir Izetbegović koji je odgovoran za ubojstvo Joze Leutara jer je isto naredio da izvrši Ismet Bajramović Čelo. Kad nije prošla ta optužnica onda su mi namontirali sudski postupak za ratne zločine u selu Stupni Do za što sam na kraju osuđen na maksimalnu zatvorski kaznu od 15 godina”, rekao je.

“Kaznu želim odslužiti u Hrvatskoj, s kojom BiH ima sporazum o međusobnom izvršenju krivičnih sankcija, a otišao sam jer je postojala mogućnost da budem ubijen po nalogu političkog Sarajeva”, rekao je i dodao kako se nije osjećao sigurno.

“Sve je bilo moguće, pa na kraju i moje ubojstvo jer mrtva usta ne govore. Mene se najviše plaše onih koji stoje iza montiranja sudskog postupka u slučaju Leutar, a sve iz razloga što ministar sigurnosti BiH Fahrudin Radončić za njegovo ubojstvo optužuje bošnjačku državnu mafiju kojoj je na čelu Bakir Izetbegović. Pozivam Bakira Izetbegovića da se ja i on podvrgnemo poligrafu u Republici Hrvatskoj, da vidimo tko je kriv za Leutarovu likvidaciju. Bakir se boji upravo ovakvog mog prozivanja i spreman je na sve jer isti kontrolira političko i kriminalno podzemlje u Bosni i Hercegovini”, rekao je Como.

Policija u Hrvatskoj zna gdje je on

Prethodno se o svemu oglasio Marinko Ilijašević, Comin brat, koji je kazao za federalne medije da je njegov brat najnormalnije s hrvatskom putovnicom otišao u Zadar i tamo se prijavio hrvatskoj policiji.

“Policija u Hrvatskoj u svakom trenutku zna gdje je on.

Sada čeka potjernicu iz BiH. On je spreman da nastavi da služi dalje kaznu u Hrvatskoj”, naveo je Marinko Ilijašević.

U Policijskoj upravi Zadar tvrde da nemaju službenih informacija o Cominom slučaju i da ne mogu potvrditi da se on nalazi u Zadru. U Graničnoj policiji BiH tvrde da Como nije izašao iz BiH.

Međunarodna potjernica za Comom još nije raspisana, a Interpol provodi istragu o tome gdje se on tačno nalazi i čeka službenu potvrdu iz Hrvatske da je na njenom području.

Ukoliko Dominik Ilijašević Como bude lociran i uhapšen, Ministarstvo pravde BiH će na zahtjev nadležnog suda zatražiti njegovo izručenje našoj državi - kazala je glasnogovornica Ministarstva pravde BiH Marina Bakić.

Po njenim riječima, u slučaju da osoba posjeduje državljanstvo druge države, konkretno Hrvatske, postoji mogućnost izdržavanja kazne u toj državi, ali pod određenim uslovima.

“Uslov je da nadležni sudski organ druge države prizna presudu izrečenu u BiH”, kazala je Bakić.

Dominik Ilijašević Como je pobjegao iz mostarskog zatvora Čelovina u kojem se nalazio na odsluženju dugogodišnje zatvorske kazne. Ovog bivšeg zapovjednika kiseljačke specijalne postrojbe HVO-a Maturice, Županijski sud u Zenici je 2007. godine osudio na 14. godina zatvora zbog zločina nad bošnjačkim stanovništvom u vareškom selu Stupni Do, a naknadno mu je, nakon procesa za zločine na području Kiseljaka, izrečena jedinstvena kazna zatvora u trajanju od 15 godina.





FASTV

NOVO HAYAT PAKET OD SAD NA FASTV!



ZA SAMO **\$20**
Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

Valentin Inzko:

BiH je tu, tu će i ostati

Što prije neki lideri to shvate, to bolje. Priča o raspadu BiH je samo to - prazna priča. Međunarodna zajednica nikada neće dopustiti da se takvo nešto dogodi...

Visoki predstavnik Valentin Inzko je komentirao implikacije ulaska Hrvatske u EU u kontekstu teza da će BiH biti izolovana od Evrope.

Na pitanje hoće li BiH ostati iza željezne zavjese, nakon ulaska Hrvatske u EU, visoki predstavnik je kategorično odgovorio da su vrata EU otvorena za BiH i da te zavjese nema.

- Evropska unija je nebrojeno puta jasno rekla da zemlje zapadnog Balkana, uključujući i BiH, imaju evropsku perspektivu. Vrata EU su otvorena za BiH, ali na institucijama ove zemlje je da ispunе uslove za to. U tom smislu, činjenica da je Hrvatska postala članica EU može biti motiv za BiH da ubrza vlastite napore ka članstvu u BiH - kazao je Inzko i dodao da ulazak Hrvatske u Evropsku uniju predstavlja i izazov i priliku za BiH.

Pojasnio je da u prvoj fazi, zahtjevi i prilagođavanja mogu biti bolni.

- Ali, to je istovremeno i prilika za institucije BiH da razviju vlastite sposobnosti u smislu donošenja odluka i njihovog provođenja, što će biti korisno za perspektivu BiH da i sama postane članica. I bukvalno i figurativno, ulazak Hrvatske će BiH približiti Evropskoj uniji. EU je opredijeljena da pomaže vlastima u BiH. Sve što se sada traži je da se političari, vlasti i institucije fokusiraju na realizaciju programa približavanja EU - kazao je visoki predstavnik.

Na pitanje vjeruje li u opstojnost BiH i da li su konstantna podrivanja njenog suvereniteta i teritorijalnog integriteta pre-daleko otišla, odgovorio je da je zabrinut kad čuje takve izjave i zato je smatrao da je bitno da skrene pažnju Vijeću sigurnosti UN-a na to pitanje.

- Jednostavno rečeno, BiH je tu, i tu će i ostati. Što prije neki lideri to shvate, to bolje. Priča o raspadu BiH je samo to - prazna priča. Međunarodna zajednica nikada neće dopustiti da se takvo nešto dogodi - poručio je Inzko.

On naglašava da bi bilo bolje za sve da oni koji rade na ugrožavanju suvereniteta i teritorijalnog integriteta zemlje iskoriste svoju energiju da naprave nešto dobro za ovu zemlju.

- Umjesto što traće vrijeme pokušavajući da zarade kratkotrajne političke bodove, treba da se fokusiraju na pitanja koja su zaista važna za građane: rast ekonomije, borba protiv korupcije, jačanje vladavine zakona, razvoj zdravstva i obrazovanja, izgradnja bolje budućnosti. To su ciljevi za koje se vrijedi boriti - rekao je Inzko.

Komentirajući ocjene političkih analitičara i javnosti da nejedinstvenost i suprotstavljeni stavovi članica PIK-a i uopće međunarodne zajednice u pogledu BiH doprinose njenoj nestabilnosti i dovede u pitanje njen opstanak, Inzko je rekao: "Dopustite da još jednom ponovim: opstanak BiH



nije upitan."

- Jednoglasan stav Upravnog odbora Vijeća za provedbu mira (PIC) i Vijeća sigurnosti UN-a uvijek je bila nedvosmislena podrška suverenitetu i teritorijalnom integritetu ove zemlje. Kao dokaz je i posljednji komunique Upravnog odbora PIC-a, koji je objavljen prije samo dvije sedmice, kao i brojna prethodna saopštenja. Što se tiče međunarodne zajednice, jedna stvar je jasna: postizanje napretka potrebnog da se osigura bolja budućnost za BiH je naš zajednički cilj. Ništa manje od toga - precizirao je Inzko.

NOW HIRING!

Over The Road Owners Operators & Company Drivers

BEST WAY SERVICES, LLC

RECEIVE A \$500 BONUS
AFTER 6 MONTHS OF EMPLOYMENT

1985 NW 94th St. Suite G, Clive, IA 50325

5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:
515.554.1711 or 515.276.0646

Senad i Sevleta Čamdžić

Eurotel Agencija

PONOVO NAJBOLJI

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! KVALITETAN SERVIS!

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna	samo 6.9 c/m !
Srbija	7.9 c/m
Hrvatska	samo 1 c/m !
Crna Gora	9.9 c/m
Makedonija	7.9 c/m
Zapadna Evropa	1 c/m

Zovi!
Koristi!
Uštedi!



SAD ponovo pred finansijskim kolapsom

SAD prijeti insolventnost. Republikanci su u Predstavničkom domu blokirali usvajanje državnog budžeta. Oni žele da na taj način sruše reformu zdravstvenog sistema. Kongresu ostaje malo vremena da riješi problem.

Spor oko državnog budžeta SAD-a se sve više zaoštrava. Predstavnički dom, u kome većinu drže republikanci, u petak (20.9.2013.) je sa 230 glasova za i 189 protiv glasao za prijedlog kojim se vladi u Vašingtonu daju sredstva za rad za samo tri mjeseca. Vladajuće demokrate su protiv takve odluke.

Ako sve ostane kao sada, vlada neće imati sredstva za rad, niti će moći da uzima nove kredite

Kako je aktualni državni budžet SAD bio važeći samo do 30. septembra, to znači da Kongresu preostaje jako kratak vremenski rok od nekoliko nedelja da riješi krizu koja se približava.

Predsjednik Barack Obama bio je razočaran ishodom glasanja. "Oni drže cijelu zemlju kao taoca", izjavio je prilikom jedne posjete saveznoj državi Missouri. Na čelu republikanskog "ne" budžetu po želji Vašingtona stoje pripadnici pokreta "Tea Party". Njima nije stalo do blagostanja Amerikanaca, nego samo žele da obore reformu zdravstvenog sistema i dove-



du u neprilike predsjednika" smatra Obama. Pripadnici pokreta Tea Party kao preduslov za postizanje bilo kakvog kompromisa oko državnog budžeta ističu poništavanje već pokrenute reforme zdravstvenog sistema.



Predsjednik SAD Barak Obama

Dvostruki ponor

Na taj način se SAD približavaju "dvostrukoj" dužničkoj krizi. Ukoliko se demokrate i republikanci ne dogovore, vlada u oktobru mora obustaviti sve svoje poslove. Nakon toga slijedi i druga katastrofa: sredinom oktobra će javni dug SAD doći zakonsku gornju granicu koja iznosi 16,7 biliona dolara. Vlada nakon toga ne smije uzimati nove kredite. To bi bio jedinstven slučaj u istoriji SAD, ali i u istoriji svjetske ekonomije što bi moglo izazvati krizu u cijelom svijetu. Krajem prošle godine SAD su već jednom stajale pred ovom "fiskalnom liti-com", ali je tada dogovor postignut.

Sve je u rukama republikanaca

Nakon završetka glasanja u Predstavničkom domu republikanci su pozvali svoje kolege u Senatu da glasaju na isti način kao i oni. Republikanci tvrde da će reforma zdravstvenog sistema koju nazivaju "Obamacare" nanijeti samo štetu američkoj privredi i porodicama. Glasnogovornik republikanaca u Predstavničkom domu John Boehner je rekao: "Amerikanci ne žele da rad vlade bude obustavljen, a ne žele ni reformu zdravstvenog sistema." Prema jednom izvještaju CNN-a republikanci su u Predstavničkom domu već 40 puta na razne načine pokušavali da smanje dio budžeta namijenjen reformi zdravstva.

Posmatrači očekuju kako će Senat, u kojem većinu imaju demokrate, ukinuti skraćena budžeta koja su nametnuli republikanci i tako cijeli problem ponovo vratiti na raspravu u Predstavnički dom. Poslanici ovog doma tada će stajati pred velikim izazovom: ili će dozvoliti bankrot SAD, ili će pristati da finansiraju spornu reformu zdravstvenog sistema..



What could you do with an extra \$478 annually? That's how much the average client saves on their auto and homeowner's insurance through Primerica Secure™!

Call Primerica representative Adisa at (678) 697-8497 to learn more today

*Savings not typical. The average client saves as much as \$478 annually on their auto insurance. The average savings amount is based on a survey of insurance premium information provided by 567 purchasers of insurance from Answer Financial between January 1, 2009, and March 31, 2009



Achieve Your Potential.

We empower people to achieve their dreams! At Primerica, we show people how to build a business by teaching families about finances. You can work at your own pace, and earn the income you deserve!

For more information, call Adisa (678) 697-8497

APARTMANI ZA RENTU

LAWRENCEVILLE, GA

NO Deposit Required

Jednosoban \$ 500.00 do \$550.00

Dvosoban \$600.00

Dvosoban town house \$650.00

Trosoban \$625.00



Za više informacija nazovite:

770-963-8532 ili
770-963-9264

Selma

Na raspolaganju Vam stoje slobodni apartmani u ČETIRI različita apartmentska kompleksa. Svi se nalaze na području Lawrenceville-a, Georgia

PONEDELJAK - PETAK 9:30AM- 6:00 PM

SUBOTA 9:30AM -6:00 PM

NE RADIMO SRIJEDOM I NEDELJOM

Mustafa Spahić Mujki:

Volio bih deset puta umrijeti, nego dočekati bošnjačku republiku...3

“Dodik u svakom momentu, a on je neponovljivo svjetski politički hohštapler ili preobraženi Karadžić 21. stoljeća, upotrebljava i koristi Tihica protiv Lagumdžije, a Lagumdžiju protiv Tihica”, kaže vjerovatno najomiljeniji profesor Gazi Husrev-begove medrese i svakako najživopisniji analitičar domaće stvarnosti.

Možemo li se posvetiti Islamskoj zajednici: šta se želi postići novim Ustavom?

– Islamska zajednica u svome radu mora ispuniti tri fundamentalna uvjeta uspješnog rada: zadovoljiti normu, zakonitost i proceduru, i to kroz moralne vrijednosti svakog pojedinca uposlenog u IZ-u. Da zajednica bude polje ostvarenja općeg dobra potreba, vjere i interesa vjernika, ali da to nikome na svijetu ne bude zazorno ili protiv njega. Zatim, mora se zadovoljavati i način rada u Zajednici. Evo jedan primjer: kada bismo mi sada u fiškeke pakovali bombone ili čokolade kako se to radilo 1948. djeca ih ne bi jela ni kad bi zlatna bila. Dakle, i forma rada Zajednice mora biti svjedočanstvo koje se golim okom vidi da je Islamska zajednica u službi Boga, za dobro vjere i na korist naroda. I da je Zajednica Bogom vođena, Bogom inspirisana, da ona nije cilj sama sebi, ni svrha sama sebi. Nego da bude zajednica služenja Bogu, donošenja dobra, sreće i utjehe ljudima. Mjera sveg rada je odnos prema kadrovskoj politici. Suština svake moderne politike jeste kadrovska politika i organizacija zajednice i njena zakonita procedura. U kadrovskoj politici mora se imati vjerodostojnost kadrova, kompetencija, ustrajnost u radu. Drugi bitan segment jeste odnos IZ-a prema vakufskoj imovini na četiri plana: da se vrati od države onaj dio imovine koji je moguće povratiti bez posljedica za zajednicu i društvo u cjelini i za državu. Potom da se sadašnja imovina na povjerenju zajednice čuva. Najviše od uposlenika u IZ-u.


Menadžeri u Rijasetu

U upravljanju vakufskom imovinom Islamska zajednica mora se voditi na jedan krajnje standardiziran, kvalifikovan, menadžerski i sposoban način. Moram priznati da IZ sa svojim sadašnjim cjelokupnim kadrom, izuzev časnih pojedinaca, nema ljudstvo koje može upravljati vakufskom imovinom da je čuva od države, od uposlenika u IZ-u i da s njom upravlja

na jedan živ, dinamičan, poslovan, uspješan i efikasan način a ne kao sa ležećim policajcima ili samo izdavanjem pod kiriju objekata. U dosadašnjoj praksi od 1945. jedini koji su efikasno upravljali vakufskom imovinom Islamske zajednice su mutevelije na selima.

Zašto je to tako?

– Zato što je generalno 1959. skoro sva vakufska imovina od IZBiH bila izuzeta.




Pitam, zašto je ta struktura takva?

– Zato što u našoj kolektivnoj svijesti nama nije jasna predstava i vizija da vakufska imovina može biti glavna ekonomska poluga, glavni izvor prihoda u IZ-u. Ona je sada u poziciji skoro da vakufska direkcija i njene službe ne mogu svoje troškove opsluživati i pokrivati. Dakle, generalno u upravljanju vakufskom imovinom IZ mora mijenjati kod i pristup. Vakufsku direkciju su unazad 15-20 godina vodili svršenci Medrese. Ljudi koji to rade moraju biti vrhunski menadžeri, stručnjaci. Evo jedan primjer: da je zgrada na Skenderiji, kod Doma sindikata, gdje je nekada bilo Vrhovno islamsko starješinstvo '96. preuređena, ucičfrana i izdata za neku ambasadu, ta je zgrada od Predsjedništva 200 metara i ne postoji povoljnija lokacija za ambasadu u Sarajevu, iz te kirije Islamska zajednica do danas je mogla kupiti možda stotinjak stanova.

Dobro, to je jedan segment, možda ja trebam biti preciznija: zašto se Rijasetu spočitava da se Ustav IZBiH nastoji polujavno promijeniti?

- Postojeći Ustav ima istaknute principe rada u zajednici: javnost, tačnost, objektivnost, transparentnost, vjerodostojnost od prvog do zadnjeg uposlenika. Evo vam primjer šta znači miješati se sebi u posao i držati se principa IZ-a: ove godine, nakon punih 20, reisu-l-ulema Husein ef. Kavazović je došao na bajramski sabah. Prije je reisu-l-ulema ulazio u Begovu džamiju dva minuta pred klanjanje Bajrama! Dakle, želim kazati da je to miješanje sebi u posao najteža i najspornija stvar koja se dešava u svijesti ljudi. Drugo je u ponašanju. Ljudi mogu za sekundu postati glumci. Miješanje u posao je moja osnovna primjedba jer sam imenovan za reisovog eksternog savjetnika za Ustav i ustavno pitanje. Ova komisija radi na promjenama ne Ustava, nego na amandmanima na Ustav.

- Recimo: da će reisu-l-ulema potpisivati postavljena, imenovanja svih glavnih imama bez obzira gdje oni, da će potpisivati rješenja svih muftija, muderisa u medresama, direktora i činovnika na visokim funkcijama. Drugo što se predlaže jesu stvarni mandati umjesto ovih vječnih, nezamjenjivih ljudi. Ne može samo reisu-l-ulema biti u dva mandata po sedam godina mada je bilo i 19 i po u jednoj situaciji. Dakle, sada se predlažu dva mandata za muftije, po pet godina, da više nikada muftija ne bude begovska, doživotna titula. Također dva mandata za direktore, nosioce službi i to nekima četiri a nekima pet godina. Jedino je reisov mandat sedam godina. Ne pravdam Komisiju, ali je Fikret Karčić, profesor koji je po definiciji, zvanju i znanju trebao biti glavni nosilac ovog posla, zbog zdravstvenog stanja velikim dijelom bio isključen iz rasprava i to je usporilo rad. Onda su došli ovi ljetni mjeseci, ali to se intenzivira. Recimo, Muftijski savjet, koji čine glavni imami. Ma šta to značilo, IZ je u svoj institucionalnoj



Kad govorite o univerzalnim, općim načelima i principima – nema ratova. Niko nije poveo ratove za nebeske placeve. Ratovi se, bez obzira koliko se ko poziva na nebo, vode na zemlji i za zemlju. Ovdje IZ ulazi u nedodirljiva, najosjetljivija polja, npr. u redefinisane Zajednice, hoće li to biti jedna zajednica muslimana u BiH, Srbiji, Hrvatskoj, izvandomovinskih muslimana, u kojoj će autoritet, dignitet, vjerodostojnost i težina reisu-l-uleme biti apsolutno podjednaka, punovažna i vjerodostojna i u Novom Pazaru i u Ljubljani i u Sarajevu, Zagrebu ili bilo gdje. Osnovni princip ustavnog načela organiziranja zajednice jeste sloboda i dobrovoljnost. Ali kad se uđe pod principom slobode i dobrovoljnosti moraju se poštovati i podrazumijevati svi sadržaji koji oličavaju kadrovski, organizacioni, idejni, hijerarhijski i bilo koji drugi oblik jedinstva u IZ-u.

Šta predlaže komisija?

i organizacionoj formi i u biti Zajednica vjere i vjernika. Ona nije u smislu crkvene organizacije i vjernici nisu samo objekti i konzumenti vjerskih usluga. Oni su subjekti vjerskog života.

Ko atakuje na IZ?

Sad se u Muftijskom vijeću uvodi administrativni savjet koji će činiti svi predsjednici Medžlisa IZ-a na teritoriji jednog muftijstva. Ja se slažem da je dosadašnji rad Komisije za izradu amandmana na Ustav IZ-a u odnosu na očekivanje javnosti i potreba stvarnosti prespor. Ali se radi o osjetljivoj, konkretnoj materiji i dogovor je na Komisiji, što je po meni dobro, da se ne ide sa prijedlogom formulacija amandmana u javnost dok se oni na Komisiji ne prečiste i usaglase. Dakle, to su pozitivne naznake. I pozitivna je jedna velika naznaka i veliko ohrabrenje – kompletni dosadašnji javni istupi Rijasetu i reisu-l-uleme u ovu nepunu godinu naišli su na nepodijeljeno odobravanje i pohvale. Naravno, ja sam uvijek za

OBAVJEŠTENJE

Obavještavamo građane Bosne i Hercegovine koji žive na prostoru Georgia, South i North Carolina, Florida i Alabama da će se u organizaciji Konzularnog odjela Ambasade BiH u Washingtonu, DC i Zajednice Bošnjaka Georgia održati

KONZULARNI DANI-ATLANTA

tokom kojih će biti omogućeno podnošenje zahtjeva za izdavanje pasoša/putovnica

Datum: 19. i 20 oktobar 2013.godine

Mjesto: 950 Grayson Hwy, Lawrenceville, GA 30045 (područje Atlante, GA)

Kontakt informacije:

Ambasada BiH Washington (202) 337-1500 (www.bhembassy.org) i

Avdo Ćatić (678) 575 -9696

Napomena:

Da bi ste ovom prilikom podnijeli zahtjev za izdavanje pasoša/putovnice trebate imati određen i evidentiran Jedinstveni Matični Broj (JMB) u centralnoj bazi civilnog registra BiH.

Napominjemo da se u centralnoj bazi nalaze JMB svih državljana BiH koji posjeduju važeću ličnu kartu, izdatu poslije 2003. godine po projektu CIPS, kao i oni koji su prethodno podnijeli zahtjev za evidenciju i od strane Ambasade BiH u Washingtonu dobili Uvjerenje da je nadležni MUP odredio/evidentirao njihov JMB.

Svi građani koji ovom prilikom žele podnijeti zahtjev za pasoš trebaju do 16.oktobra 2013. dostaviti Ambasadi BiH popunjen formular: Upitnik za pasoš (<http://www.bhembassy.org>) na sljedeći način:

E.mail: consularaffairs@bhembassy.org

Fax: (202) 337-2909, (202) 337-1502,

ili putem pošte na adresu: 2109 E Street NW, Washington, DC 20037

nakon čega će od strane službenika Ambasade BiH Washington biti kontaktirani oko ostalih pojedinosti.

Podnošenje zahtjeva za izdavanje pasoša tokom održavanja Konzularnih dana će biti obavljeno prema unaprijed određenom rasporedu. Molimo da se pridržavate rasporeda čime ćete nam omogućiti veću efikasnost u radu.

Posebno skrećemo pažnju da se podnošenje zahtjeva za maloljetne osobe do 18 godina vrši u prisustvu oba roditelja i neophodno je da oba roditelja imaju evidentiran JMB u centralnoj bazi civilnog registra BiH. Ukoliko dijete dolazi u pratnji samo jednog roditelja, potrebno je priložiti saglasnost drugog roditelja ovjerenu kod notara..

Više informacija o izdavanju pasoša/putovnica BiH možete naći na:

<http://www.bhembassy.org>

kritiku.

Dr. Samir Beglerović Vas nije hvalio?

– Beglerović je intelektualac, individualac i tako treba biti. Jedno je u trci trčati sam, a drugo je kad si u štafeti. Odmah ide sporije. I ja mislim da ova nova postava u Islamskoj zajednici ide presporo, preoprezno, pretiho, s obzirom na sve izazove. Ali, već ima i savjetnik reisu-l-uleme za odnose s javnošću, to je prof. Dževad Hodžić i vide se efekti.

O kakvim efektima pričamo kada Ekrem Tucaković prije koji dan, na najprizemnijoj dnevno-političkoj ravni objavljuje kako nema fetve protiv prof. Hafizovića? I ne mogu da vjerujem da to radi po savjetu dr. Hodžića. Molim Vas, odnos ranijeg reisa prema profesoru Rešidu Hafizoviću je odredio dobar dio njegova mandata: posve je svejedno hoće li neko sramno saopćenje koje je Cerić dao u ime Rijaseta nazvati fetvom ili neće, posljedice toga gesta su i danas prisutne, upravo kroz atake na profesora Hafizovića. Taj odstrel svako malo kulminira prijetnjama smrću, sada pozivima na ubistvo. Hoće li se aktuelna Islamska zajednica obračunati sa recidivima prošlosti?

– Da vas podsjetim: generalni nastup i način vođenja Islamske zajednice od prof. dr. Mustafe Cerića bio je apsolutno posesivno personalan, a u recidivima takvog vođenja je bio i šef Ureda za odnose sa javnošću Tucaković. Važno je reći da se u okviru novog poimanja i pristupa IZ-u Cerićev način ne može više nikada ponoviti. Rijaset je dao vrlo jasan i nedvosmišlen stav o ovom ataku na Rešida. I doći ćemo ponovo do toga, ali hoću da kažem: postoje četiri talasa u odnosu na islam i muslimane. Prvi je bio kroz ratove, križarske, inkvizicije, genocide... Nisu, naravno, ni muslimani nepogrešive bebe, i oni mnogo toga rade što se ne može spojiti sa islamom, ali svako dođe pred Boga. Drugi talas su misije i ataci na svijest muslimana. To uključuje aktivnost i djelatnost crkava u smislu pridobijanja. I muslimani ako koga mogu pridobiti za islam, od fudbalera pa nadalje, to čine. Kad se to radi mirnim putem, to je u redu. Treći je način bila takozvana objektivizacija pristupa islamu i muslimanima putem orijentalistike. Ne znam da li znate, sve katedre orijentalistike koje su bile formirane od srednjeg vijeka doskora morale su imati suglasnost Vatikana. Kroz orijentalistiku se samim muslimanima htjelo prezentirati stručno i naučno šta je to islam. Četvrti pristup traje i ja mislim da neće nestati dok ima ljudskog roda. To je pristup Kur'anom protiv Kur'ana, sunetom protiv suneta, hadisom protiv hadisa, fikhom protiv fikha, mezhebima protiv mezheba, a najnovije je ovo gdje je Rešid ef. Hafizović kao čep na flaši – zadnja tačka. To je da se na svjetskom planu hoće prenijeti sukob sunnija protiv šija, da se proglasi rat do istrebljenja. Naime, ovo s Kur'anom protiv Kur'ana, to je kroz interpretacije. Ključna je stvar ono što Hegel naziva provala mase u povijest: običnim džematlijama, ljudima koji nisu stručnjaci, kad kazujete razliku oko nekog konkretnog vjerskog pitanja i problematike, on to ne vidi kao razliku već kao suprotnost. On to smatra ne drugačijim, nego protivnim, pa do toga da to treba iskorijeniti.

To su sve razlozi koji govore u prilog mojoj tezi da je neophodno brže i adekvatnije reagiranje Islamske zajednice.

– Islamska zajednica je reagirala na pokušaje u sadašnjem svijetu da se ova situacija u Siriji prenese na svjetski sukob šija i ehli-sunneta. Ova je Islamska zajednica na vjetrometini, na jednom prijelomnom trenutku sukoba vjetrova, to je ono što je Alija Izetbegović pisao: u abnormalnim situacijama koje

su nepojmljive ljudima ne možete naći pametno rješenje. Od Islamske zajednice pokušava se i preko određenih ambasada tražiti da se očituje i odredi naspram relacije sunnije – šije. Takvo prisiljavanje, određivanja Islamske zajednice je nedopustivo. Kao da mi nosimo istinu, kao da smo mi vlasnici istine. Muhamedu a.s. Allah dž.š. nije dopustio da on kaže ko vjeruje a ko ne vjeruje. Mi to ne možemo.

Pa i zahtjevi ambasada su recidiv prošlosti!

– Da, ali tumačiti jedno objektivno saopćenje Islamske zajednice o krvoproliću, sukobu, strašnoj kataklizmi u Siriji da IZ i sadašnji reisu-l-ulema protežiraju prošitsku politiku i prošitski islam...

Ko to tako tumači?

– Oni ljudi koji se ni s čim neminovno novim što dolazi u Islamskoj zajednici ne mogu pomiriti. Islamska zajednica se odredila naspram Rešida Hafizovića i rekla da je u pitanju nasilje, teror, prijetnja smrću, nešto što je nespojivo s vjerom, razumom, umom, svijesću i savješću. Važno je se odrediti i prema osnovnim pitanjima zaštite Islamske zajednice. U toj provali mase u povijesti imate na hiljade i hiljade luđaka.

Alija i Jasser Arafat

Tačno je, sve to možemo prihvatiti kao recidive, ali novi kontekst događaja, posebno u Siriji i oko Sirije je larve doveo ne do leptirova nego do stršljenova. Zato naglašavam: IZ unazad ovih deset mjeseci ni u pojedinačnom ni u generalnom opredjeljenju nije ni u čemu oponašala Cerića.

To je primijećeno u javnosti i otuda te nepodijeljene pohvale. No, pitanje je ima li IZ snage da položi ovaj ispit i da se suoči sa greškama u prošlosti, ako ni zbog čega drugog ono zato da suočavanjem s problemom traži načine umanjavanja štete?

– To je pitanje uzroka i posljedice. Znae da je Aristotelovo učenje da uzrok mora izazvati neminovnu posljedicu. Gazalija kaže: ne mora, može se dogoditi i treće jače. Sadašnja postava IZ-a svjesna je recidiva prethodnog rada i odnosa prema određenim profesorima, akademikima Rešidu Hafizoviću ili Esadu Durakoviću. Pošto govorimo o društvenim pojavama, jasno je da ova IZ ne može ispisati formulu na tabli i izbrisati prošlost. Kako kaže Karel Kosik: tehnika, nauka i civilizacija su '48. za mjesec napravili u Pragu najveći spomenik Josifu Visarionoviču Staljinu, '53. ti isti bageri ga ruše kao da je najveći zločinac – to je civilizacijska promjena izvana. Ona je moguća u mjesec dana. Ali istinska promjena u ljudskim svijestima – ona je strahovito složen, težak, mukotrpan, osjetljiv put i posao. Naravno da će se IZ i generalno i čak na pojedinačnoj ravni određivati. Meni je žao što se spominje Tucaković, on je samo ilustracija. Ali, važno je da više nema saopštenja obilježenih pojedincem. To je stav i odnos IZ-a. Također je važno imati na umu da se IZ pokušava ubaciti u jedan kontekst iz kojeg ona ne bi imala rješenja ni spasa. Mi nemamo kapacitet, nemamo od Boga poslanje ni zapovijed da mi određujemo, vrednujemo, kvalifikujemo odnose između sunneta i šiizma.

I Vi ste bili u istoj emisiji u kojoj je bio prof. Hafizović: šta je problem – emisija ili interpretacija Saffa, koji svaku priliku koristi da atakuje na prof. Hafizovića?

– Poimanje javnosti i medija različito je u Evropi i muslimanskom svijetu, posebno onom podneblju gdje se izričito s javnošću komunicira kroz emocije i parole. Oni koji prijete Rešidu Hafizoviću su vrsta ljudi koji misle da imaju certifikate

**Dodite i kupite sve na jednom mjestu
UŠTEDITE I VRIJEME I NOVAC!**



926 Montreal Road, Clarkston, GA

404-296-6493

THRIFTOWN
Clarkston Village

za Džennet. Oni su sigurniji da su na pravom putu i od Božjeg poslanika. Poslanik se svaki dan pitao. Neovisno sad od Rešida, ovdje je problem što se etablirao jedan oblik svijesti, kodiranog gledanja na svijet i život, koji misli da je apsolutno u pravu. Povijest je pokazala – možete progoniti, ubijati, hapšiti, ali ideja se ne spaljuje, ona se ne uništava. Ako nešto uđe, to samo odgovara onoj izreci: Dobrim namjerama je popločan i put do pakla. Mene je toga strah, strah me je ove na svjetskom planu instrumentalizacije islama protiv islama, Kur'ana protiv Kur'ana...

Poštujem Vaš strah. Jasan je i opipljiv. Svedimo ga na domaću stvarnost. I Vi kao i ja savršeno dobro znate da je Saff glasnogovornik vehabija.

Kad će se to dogoditi?

– Događiti će se sporije nego što mi očekujemo i brže nego što mislimo.

Drago mi je što ste Vi spomenuli dvije islamske zajednice pod istim krovom i zaista se nadam da je to prvi korak ka rješavanju problema koji se može nazvati i minimiziranje utjecaja bivšeg reisa. Pređimo na politiku: i za SDA se sve češće kaže da je dvije partije pod jednim krovom. Kako Vi gledate na to?

– Reći ću kako gledam, ali prvo da izreknem jednu samopohvalu, kako i dolikuje neskrivnim ljudima (smijeh). Islamska zajednica, to morate priznati, bez obzira na sve moguće kritičke oštrice, položila je 2012. jedan povijesni ispit u



Mustafa ef. Spahić

– Riječ vehabije od 2001. nikada nisam izgovorio. Izričito iz razloga političke instrumentalizacije. Ja ću vama reći ono što je Ebu Ammar Jasser Arafat rekao Izetbegoviću: “Alija, dok ne budeš imao svog državnog učitelja koji uči djecu u školi, nećeš imati škole; dok ne budeš imao hodžu u mihrabu nećeš imati vjerske zajednice, i dok ne budeš imao svoga oficira koji komanduje bilo kojom jedinicom – nećeš imati vojsku.” Ovo su sve što mi govorimo recidivi. Islamska zajednica u svojoj institucionalnoj organizaciji neće dopustiti pluralizam islamskih zajednica. Islamska zajednica će nastojati da bude jedinstvena, monolitna i da pred Bogom datu zakletvu i preuzeti imanet pred ljudima ispunjava. Ako smo sposobni – ispunjavat ćemo, ako nismo i nećemo. A imali smo paralelizam islamskih zajednica. Vi spominjete Saff, bili su Horizonti itd. To je kao onaj gejzir ili kao vulkan koji je gdje god se okreneš. Ukoliko bi Saff na onim talasima nastavio, Islamska zajednica će i Saffu i svakom drugom jasno i javno i glasno staviti do znanja da ne stoji iza onog iza čega ne stoji.

najtežim mogućim okolnostima. Održala je izbore. I reis Cerić nije uspio ostaviti sebe poslije sebe. Dakle, pobijedila je ideja, duh i slovo Ustava Islamske zajednice i volja muslimana, bez obzira koliko se to činilo nemogućim.

Bakirovo duplo golo

Za razliku od SDA koja je prošle godine napravila u politici nedopustivu stvar za koju vjerujem da će se obiti o glavu kompletnoj stranci: nije održala Kongres i uvela je tzv. dvije stranke pod jednim krovom. To mene podsjeća na jednog čovjeka, naravno ne želim mu ime kazati, koji je znao da mu se žena švalera i onda joj je kazao, toliko ju je volio: “Sve ti to sa njim radi, ali bogati sa mnom ostani.” Tihić je svjetska marka intriganta, prevaranta, varalice, političkog hohštaplera i političkog kalkulanta i on će Bakira za godinu dana ostaviti na duplo golo.

Objasnite duplo golo?

– Hem se nije održao Kongres, hem će sve kadrove za

koje namiriše da su za Bakira očistiti iz struktura stranke, pa će kad ove dvije godine prođu dovest se u situaciju da će sva ova infrastruktura u SDA moliti Tihića da on i dalje ostane. A on kobajagi neće. Pa će onda, cijeneći volju, biće i žiće i političku strukturu stranke, a to je i politička volja Bošnjaka, mimo svoje volje sebe postaviti na zahtjev stranke. Pazite, Alija Izetbegović je bio veliki državnik, mudrac, diplomata, učenjak, ali što se tiče političkih kalkulacija i političkih intriga i zavrzlama, on se ne bi nikad služio čime se služi Tihić, jer u Tihića je glavna parola: ostaviti sebe, poslije samog sebe i sebe iza sebe...

Oprostite, da li iko ima pravo da svodi SDA na relaciju Izetbegović - Tihić?

- Jedno je pravo, a drugo život. Bog je u Kur'anu tačno kazao šta je pravo, šta je krivo. Šta valja, šta ne valja. Međutim, imate tu treću tačku - a to je točka slobode. Dakle, u slobodi ljudi rade svašta, a najviše ono što ne bi trebali. Činjenica je da je Tihić od 2001. predsjednik SDA. Ako ovako nastavi, on će po dužini svoga roka stići i reisa Cerića. I ni u čemu se ne slaže s Cerićem osim u dužini mandata, da ostane koliko i on.

Da li Vi to doživljavate kao politički problem?

- To nije politički problem. Pazite, etablira se jedna situacija - nije predsjednik stranke samo predsjednik stranke. On profilira kadrove, ljude, vodi kadrovsku politiku. Tihićeva je kadrovska politika ono što Hegel kaže - kad je oko drveta sa velikom krošnjom samo ona trava puzavica i oni koji gmižu i ne mogu preći prag. Susretao sam naše ambasadore po Evropi, pa oni se plaše svoje sjene za razliku od jednog Amira Ahmića, koji ima vjerodostojnost, obrazovanje, znanje, stav i čestitost, i evo sad se njegov povratak problematizira.

Čekajte malo, kod Ahmića se govori o hapšenju?

- Ma ne. To su petarde. Suština je da se on povuče. Nećeš biti uhapšen, ali ćeš biti povučen. Te igre su poznate. Nije, dakle, samo u pitanju jedan čovjek koji je na čelu. Vremenom ambijent, atmosfera, zrak, prostor, ne samo kadrovi - počinju ličiti na tog čovjeka. Pa da je u pitanju Churchill ili De Gaulle, s obzirom na dinamiku, civilizacijske procese, na ubrzanja, od 2001. biti na čelu političke stranke?

Nije Tihić jedini, to je već pravilo u Bosni. Zanima me kako Milorad Dodik redovito uspijeva da profitira na politička bošnjačkih partija?

- To je mnogo dublja stvar. Najveća politička slabost svih probosanskih stranaka, i sa hrvatskim i sa bošnjačkim predznakom - jeste što u sebi nemaju politički kapacitet, rezon i stav da u okviru države sa stajališta državnog interesa djeluju zajednički, na isti način kao što sve stranke u RS-u sa srpskim predznakom djeluju na razini države u okviru državnog razloga - kompaktno. A unutar RS-a te stranke se krvnički lože i jedna protiv drugih bore. To je ne samo najveća greška, nego najveća slabost, konkretno sada Lagumdžije i Tihića. Dodik u svakom momentu, a on je neponovljiv svjetski politički hohštapljer ili preobraženi Karadžić 21. stoljeća, upotrebljava i koristi Tihića protiv Lagumdžije, a Lagumdžiju protiv Tihića.

Bošnjaci i politička pamet

Tihić jedan mjesec priča da će SDA vratiti u državnu vlast, a iza njegovih leđa Dodik s Lagumdžijom priprema zakone. Onda logikom iz filma Kum daje ponudu koja se ne može odbiti: ako SDP želi ostati u vlasti prihvatiti će zakone jer ima onaj koji čeka da umjesto SDP-a uđe u vlast. Takve situacije u politici se ne smiju događati. Pogotovo kad je državni razlog Bosne i Hercegovine u pitanju. Vi najbolje znate,



muž vam je šehid, da je okean krvi proliven za ovu državu. To se ne smije nikada zaboraviti iz trivijalnih, politikantskih i kalkulantskih razloga. Što se tiče birača i glasača u Federaciji – njihov zajednički stav, određenje i opredjeljenja, bilo da su Bošnjaci ili Hrvati na izborima 2014. mora biti da probosanske snage na isti način kao ove iz RS-a na razini države moraju nastupati s pozicije državnog interesa; naravno, da Hrvate u Predsjedništvu ne može niko drugi predstavljati osim političke volje hrvatskog naroda. Znam ja da je priča o ravnopravnosti, jednakosti šarena laža i roba od nevidiša. Da su zaista stranke sa hrvatskim političkim predznakom za istinsku, ljudsku ravnopravnost one bi to pokazale u Čapljini, Počitelju, Vitezu. Generalna odrednica i jednog i drugog HDZ-a jeste, ne da se Republika Srpska uključi u državu, nego da se formira treći entitet. Ali glavni je problem kako RS uključiti u državu, a ne kako isključiti iz države pored RS-a i hrvatski korpus.

Šta predlažete?

– Bošnjaci moraju biti politički pametniji. Sve kontradikcije Bosne i Hercegovine leže u temeljnom, političkom principu organizacije BiH od Daytonu do danas, a to je etnički princip koji je otjelotvoren, realiziran kroz dva entiteta. Sva zapadna društva na svijetu počivaju na osnovnom političkom principu a to je građanski princip, principu ljudskih prava i individualnih sloboda. Svojevremeno je ustavnopravni, državopolitički okvir prema kojem je skrojena BiH Wolfgang Petritsch nazvao "luđačkom košuljom". U čemu je suština "luđačke košulje"? U činjenici da svijet i zapad od BiH traži da ona funkcionira na građanskim i ustavnopravnim principima, a utemeljena je izričito etničkim iznutra i entitetskim izvana. Vjerujte, da su SAD utemeljene samo na etničkom principu ne bi opstale ni godinu. Bilo koja grupa utemeljena samo i izričito na etničkim principima, kada bi je vodili anđeli a ne ljudi, na razini države, pardon entiteta, vodi u nacizam i fašizam. Jedan vođa, jedna partija – samo jedan narod i samo jedna država ili jedna politička zajednica. RS je živi egzemplar i otjelotvorenje toga. Neki Bošnjaci pa čak i umne glave postavljaju pitanje: zašto se mi ne bismo mogli ponašati na način Srba u RS-u i da dođemo do istog rezultata? Po mom najdubljem uvjerenju Bošnjaci se nikad ne mogu tako ponašati i imati takav ideal. Niti će ikad ostvariti bošnjačku republiku dok ne pređu crtu i Božijih i moralnih, pozitivnih zakonskih prava. Bošnjačka republika na način Republike Srpske neostvariva je bez planiranog, svjesnog, sistemskog, etničkog čišćenja. Volio bih deset puta umrijeti, nego dočekati bošnjačku republiku na način RS-a. A Hrvati u BiH neće se politički smiriti, dok ne postignu isto ono što ima RS ili dok se ne demontira RS. Zašto je BiH utemeljena na etničko-entitetskom principu, a svijet traži da funkcionira na građanskom principu? To je najbolje priznao i objasnio Valentin Inzko: Srbima se u Daytonu izašlo u susret sa RS-om, Hrvatima sa županijama, a Bošnjacima sa državom bez ikakvih državnih ovlaštenja. Pošto je za svijet samo država adresa i svijet priznaje samo državu, za njeno funkcioniranje uvijek su krivi samo Bošnjaci jer su Srbi odgovorni za RS, Hrvati za županije i ugroženi. Zato Bošnjaci moraju biti politički pametniji i zato se Lagumdžija i Tihčić moraju drugačije početi ponašati.

Ekstremi i ekstremizmi

– Bio sam tokom ramazana u Holandiji, Belgiji, Francuskoj... a i ovdje po Bosni. Svojim sam očima vidio da Zapad ne zna šta će sa religijom u politici. Što se tiče muslimana, muslimani ne znaju šta će sa javnom političkom slobodom u

religijskom životu. Očigledna je svjetska kriza ličnosti, braka, porodice, rađanja djece, prijatelja, zajedničkog dobra i znamenitosti. Pošto muslimani svijeta po pravilu žive dvostruko odsustvo građanskih prava i političkih sloboda unutrašnjom autocenzurom i vanjskom cenzurom od Zapada, jer Zapad ne da da muslimani pređu crtu i postanu politički subjekti svijeta, u muslimanskim društvima današnjice politički red, poredak, sistem, vladavina prava, pravna država, građansko društvo, izgrađeno školstvo... su više izuzetak nego pravilo. Veća od svega drugog navedenog potvrda ove tvrdnje je kada Catherine Ashton, koja vodi vanjsku politiku Evropske unije od 28 zemalja sa blizu 500 miliona stanovnika, posjećuje u zatvoru svrgnutog legalno i demokratskim putem izabranog predsjednika Egipta, zemlje sa 80 miliona stanovnika samo kao ličnost, kao individuu a ne kao u vojnom udaru svrgnutog predsjednika. Egipat je možda najstarija civilizacija na svijetu. I onda ona slavodobitno izjavi da je Muhamed Mursi na sigurnom mjestu i da je njegovo zdravstveno stanje u redu. Kao da mu je išla u privatnu, rodbinsku posjetu. Zašto je to tako? Zato što se sve građansko i političko kod muslimana izričito personalizira, a ako je negativno bez obzira što mora biti individualno to se poopćava i univerzalizira. To je logika i sud Ernasta Renana koji kaže da je islam antium, antirazum, antisistem, antipolitika, antiznanje, antiobrazovanje i anticivilizacija i da je islam izričito beduinski fenomen, da je islam svoje pravo iscrpio u srednjem vijeku i da je to pravo tzv. historijsko golo pravo. Naravno da takav odnos rađa ekstreme i ekstremizme.

Sarajevo bez vode

– Ima u Kur'anu jedna sura koja kaže da je Bog sve živo učinio iz vode. A u drugoj suri se kaže šta bi se dogodilo kad bi ljudi osvanuli jednog jutra, a da su svi izvori pitke vode presušili? I da nemaju šta piti? U Sarajevu, u najužem gradskom jezgri, kod zgrade Predsjedništva iza pola noći nema nikad vode. Osamnaest punih godina je prošlo od agresije na Bosnu i Hercegovinu. Zamislite branitelje Sarajeva koji su tri i po godine branili grad u sigurno najtežim uslovima da su se ponašali kao ovi što 18 godina iza Daytonu ne rješavaju pitanje vodosnabdijevanja u Sarajevu? Sarajevo je okruženo sa najviše mogućih voda i planina – Trebević, Igman, Bjelašnica, Žuč, Kromolj, Sjenička kosa, Mrkovići, izvor Bosne. A nema vode. Smjenjivale su se političke garniture od 1995. iz SDA, Stranke za BiH, SDP-a, ovih i onih koalicija i ništa. Hoće li iko shvatiti da je najveće i ključno i političko pitanje grada Sarajeva va snabdijevanje vodom?

Šešir i sedžda

– Kako starim ili kako imam možda razroke oči uglavnom primjećujem prije ono što mi smeta. Na državnoj televiziji BHRT-u prvi dan Bajrama slušam: oficijelni spiker čestita Bajram pripadnicima islamske vjeroispovijesti. Islam i vjeroispovijest jedno drugo isključuju kao šešir i sedžda. Ko je u šeširu ne može činiti sedždu, ko čini sedždu nema šešir. Islam znači svjesnu, slobodnu, namjernu, direktnu, izravnu predanost i pokornost Bogu. Islam i bilo koja druga vrsta vjeroispovijedanja su nespojivi. Musliman se nikad ni preko koga, pa čak ni preko Muhameda a.s. ne ispovijeda Bogu. On Bogu pristupa direktno, izravno i pada mu na sedždu. Drago mi je da većina medija čestita na ispravan način, Bajram Šerif Mubarek Olsun pripadnicima islama ili muslimanima. Nešto moramo znati, naučiti i poštovati. Ja znam da se katolicima čestita "čestit Božić" i ja ću to reći ili kožu sa sebe zguliti. .

BONUS TRANSPORTATION, LLC



Zapošljavamo owner operatore !

- Commision 10%
- Sedmična isplata
- 24/7 dispečer na raspolaganju
- Saradjujemo sa svim brokerima na prostorima Sjeverne Amerike
- Nudimo fuel cards, trailere, kvalitetan profesionalni dispatch



616 322 5818
616 719 6064
bonustransllc@yahoo.com



tel > 1.773.525.4889
 fax > 1.773.435.6753
 e-mail > info@styletravelusa.com
 <4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii



<www.styletravelusa.com>



Am Dent, Inc.



Dental Care for Entire Family
Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted
 Medicaid (uder 21) Peachcare
 Major Credit Cards

NOW OFFERING! Ortho (Braces) Special - FREE Ortho Consultation
 New Patient Special (Exam, X-Rays, Cleaning) - ONLY \$75
0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Ni Hercegovački, ni Bosanski, ni Turski već Sarajevski (2.dio)

Šta to ima tako posebno u sarajevskim ćevapčićima pa su oni već decenijama popularni i daleko izvan BiH?

Bosanski lonac, cicvara, popara, burek, krompiruša, ključka, tufahije.... Putovanje po trpezama se, prateći nazive ovih jela, pretvara u još jedno putovanje uzduž i poprijeko Bosne i Hercegovine. Svaki kraj ima različite recepte za jela pod istim nazivom, ili obrnuto - isti recepti i jela imaju različita imena. Dosta vam je konzervi, modernih jela što mirišu na celofan u koji su sastojci bili upakovani, ili "lakiranih" paprika čiji sok na ruci ostavlja crveni trag poput laka za nokte? Zavirite u "bosanski lonac", kulinarsku reportažu Ljiljane Pirolić.

Piše: Ljiljana Pirolić

O vremenu prije ćevabdžinica skoro kao prije nove ere

Meni je rahmetli dedo pričao da su se prvi ćevapi prodavali u Sarajevu na pijačnim danima. Bila su na čaršiji dva pijačna dana. On mi je pričao da je njegov dedo, inače iz mesarske porodice, izlazio za pijačne dane, i pravio ćevape ručno, valjali su ih. Kaže da su bili puno veći nego današnji, i

da su se prodavali na komad, po jedan ili dva. Isključivo su se prodavali na ulici (Slično kao danas na Vrelu Bosne op.a.). Somun je sa ćevapima otkako ih znamo ovakve kakvi su danas. Somun se kao pecivo prodavao još i za vrijeme Austrougarske. Sama riječ ćevabdžinica, nastala je sa Ferhatovićem i Mrkvom, bukvalno. Imate puno tih vrsta ćevapa, ali sarajevski ćevap je ustvari jedini koji je uspio da izgradi imidž jednog ozbiljnog proizvoda. Ćevap bi trebao u principu da bude interes države. Kad pogledate na primjer, što se tiče kuhinje, na čemu je Italija izgradila svoj imidž, na pici koja je prilično jednostavan proizvod. Danas je Italija nezamisliva bez pice, ili Švicarska bez sira. Danas postoje informacije da je čak Slovenija zaštitila ime ćevap, ali ne može se to zaštititi, zna se gdje se jede ćevap. Ljudi u regiji su počeli da koriste ime sarajevski ćevap. Piše u nekim prodavnicama - „originalni sarajevski ćevapi“. Sarajevski ćevap je toliko postao poznat, i kao brend.

O temeljnom mesu

Ja imam neko iskustvo sa Zapada. Ja i brat smo odlučili da ovo što je naš dedo započeo, da to održimo i podignemo na još jedan nivo. Mi, pod navodnim znacima, gradimo jednu ozbiljnu ćevap imperiju. Mi hoćemo prvi da ponudimo „Drive thru“ ćevape. Ono što McDonalds radi već pedesetak



godina. Imamo te planove da ponudimo da ljudi mogu proći autom i kupiti ćevape iz auta, pošto svakako imamo objekat na Grbavici i na Dobrinji. Idejni projekat za to je gotov. Mi hoćemo da pokažemo da Bosna ima ozbiljan proizvod poput McDonalda. Živio sam u Americi 12 godina. Faktički, u svakom američkom gradu gdje živi bosanska zajednica, ima i neka ćevabdžinica, u vrijeme dok još nema McDonalda u Sarajevu. U principu originalni sarajevski ćevap se priprema na drvenom uglju. Njegov proces pečenja ne bi smio da traje više od 5 do šest minuta, na jakoj vatri. On se kao takav servira vruć i iznosi pred gosta. To je recept kako se ćevap servira, a kako se pravi, to je različito. Temeljno meso za ćevap je junetina. Začini, zavisi, ima ljudi stavljaju biber, neki stavljaju vegetu, a stavlja se određena količina soli sa kojom on ide na žar. Recept je u glavama ljudi. Sarajevski ćevap je očigledno izgradio jedan recept. Mi svi koristimo šablon. Nema razlike između ćevapa koji je napravljen na Baščaršiji ili na Ilidži. Zašto je baš sarajevski najpopularniji od svih ostalih, mislim da je to i do gostiju koji su pronijeli priču o sarajevskom ćevapu. Nema tu neke tajne u receptu, - zanimljivo je zborio Adnan Mrkva.

Iz kulinarskog ugla

O današnjim ćevapčićima, profesionalni kuhar Peđa Pavlović kaže sljedeće: - Znam sigurno da se stavljaju aditivi u ćevape. Znam da ih ima, ali koji su, ili kojih ima više a kojih manje ne znam. Da li je to soda bikarbona i koliko, teško je reći precizno. Neke ćevabdžije kombinuju junetinu, bravetinu i teletinu i to stvara dosta masnoće. Treba mi puno vode kad ih pojedem, toliko ožednim od njih. Kad pravim sebi ćevape kod kuće, uzmem mljeveno meso i nešto začina, napravim ih, bez aditiva. U Hrvatskoj sam jednom probao pileće i pureće ćevape, to je bilo super. Manje je masno a i zdraviji su. Inače, mislim da nema neke tajne u receptu. Jedino možda mesari ćevabdžije drže tajnu koliko dugo treba da meso stoji zamrznuto.

Naj-ćevabdžinice

Naravno, u odabiru lokalnih ćevabdžinica, išlo se na subjektivni i objektivni odabir. Tri uslovno rečeno najpoznatije, najpopularnije i najposjećenije su dakle, Petica, Mrkva i naravno Željo. Međutim, ovlaštene osobe iz Želje se oslanjaju samo na vizuelni prikaz, to jest pokazuju koliko mušterija kod njih ima dnevno, bez puno priče. Neke od njihovih mušterija bi ukus ćevapa kratko komentarisali starom lokalnom izrekom (koja se ponekad odnosi i na pite) - „I mrtva usta bi ih jela“.

Zabilježene izjave o sarajevskim ćevapima i ćevabdžinicama:

Stefan van der Burgh, holandski muzičar iz Utrechta, relativno čest posjetilac Sarajeva: Šest godina sam bio zakleti vegetarijanac. Kada sam ovde sjedio sa grupom prijatelja u ćevabdžinici, jeo sam salatu, a oni su jeli ćevape. Toliko je mirisalo, toliko su pričali o njima, a i toliko sam ranijih godina slušao o tom ćevapu da sam odlučio da probam samo jedan. Nisam odolio. Nakon šest godina uspješnog vegetarijanstva.

Narcis Saračević Cinda, jedan od starih aktivista navijačke skupine Horde Zla, o ćevapčićima u svjetlu stare podjele na navijače Želje i Sarajeva: Jesam gladan ali u ćevabdžinicu

Željo ne ulazim iz „vjerskih“ razloga.

Zdenko Kolar, muzičar, nekadašnji član beogradske rock grupe Idoli: Biti u Bosni a ne probati ćevape, smešno.

Sandra Lorenci, turistički vodič iz Slovenije: Ćevapi u Sarajevu su zakon.

Iztok Sečnjak, zastupnik slovenske turističke agencije Sonček: Samo da smjestim goste u hotel i onda prvo u Devetku na ćevape, pa tek potom posao i sve ostalo.

Ozgur Altan, nekadašnji službenik turske ambasade u BiH: Ne znam zašto trpaju ćevapčiće u turske proizvode. Ima tek ponekih sličnosti, ali dosta više razlika u odnosu na turske specijalitete.

Neke od „slavnih“ ličnosti koje su navodno pohodile ćevabdžinicu Željo: Ivica Osim, Alija Izetbegović, Milan Kučan, Haris Silajdžić, Bill Clinton.



I također navodno ćevabdžinicu Petica: Bob Dole, Zdravko Čolić, Bono Vox, Jernej Šugman i Gregor Bakovič (slovenski glumci)

Kontroverzne pošalice i ironične doskočice o sarajevskim ćevapima u narodu:

„Koga zanima od čega se prave ćevapi, neka se zapita zašto mačke po Baščaršiji šetaju bez repa“.

„Prodajemo sodu bikarbonu za čišćenje srebrnine, za one koji imaju čir u želucu i za one koji prave ćevape.“

„Barem pet-šest ćevabdžinica sam vidio u Americi, a još nema McDonalda u Sarajevu, jel to neka nesvesna kontra globalizaciji?“

„Dabogda te majka prepoznala u ćevapu“-(hercegovačka kletva).

Pjesnička obrada nepoznatog autora ili autorice:

„Pitao tako glasnog vrli kupac neki, a kto je taj, šta je taj, da prostiš, gdje li je taj, odakle je taj, kuda je taj, ćevapčić rekti. A izgledniji tad njemu odgovor hitan dade. Ćevapčić da prostiš, jedan proizvod imade, i brend, i bosanski, da prostiš, i vruć i sarajevski, i ktomu još, da prostiš, pečen, na žaru.“

Kraj serijala

Nova saznanja o evoluciji popunio pronalazak fosila - ribe

Naučnici su iznenađeni otkrićem ribe Entelognathus primordialis s oklopom koja je do sada bila nepoznati pripadnik izumrle porodice Placodermi koje imaju kompleksnu malu lubanju i čeljust.

Međunarodni tim naučnika u Kini otkrio je fosilne ostatke možda i najstarijeg poznatog stvorenja s prvobitnim oblikom današnje čeljusti, 419 miliona godina staru ribu koja bi mogla predstavljati nedostajuću kariku u razvoju kičmenjaka

Fosilni nalazi, prema časopisu "Nature", otkriveni su na lokaciji Xiaoxiang i radi se o najprimitivnijem kičmenjaku koji je otkriven s današnjom koštanom strukturom glave uključujući donjom čeljusnom kosti koju ima i čovjek.

"To konačno rješava stoljećima stari problem porijekla današnjih riba", rekao je profesor paleontologije John Long sa sveučilišta Flinders u Adelaideu.

Naučnici su iznenađeni otkrićem ribe Entelognathus primordialis s oklopom koja je do sada bila nepoznati pripadnik izumrle porodice Placodermi koje imaju kompleksnu malu lubanju i čeljust. To otkriće dovelo je u pitanje ranije teorije da su se sadašnje ribe s koštanim kosturom, tzv. koštunjače, razvile iz bića nalik morskim psima s kosturom od hrskavice.

Umjesto toga novo otkriće otkrilo je nedostajuću granu u evolucijskom stablu iz vremena prije stvorenja nalik morskim

psima i pokazuje da je koštani kostur bio prototip i za kičme od kosti i one od hrskavice.

"Sada znamo da su iz drevnih Placodermi s oklopom potekle današnje ribe", kazao je Long koji nije bio u naučničkom



timu. Long je otkriće opisao kao najzbuđljivije u paleontologiji od vremena otkrića najstarije ptice Archaeopteryx ili pramajke Lucy - dva fosilna otkrića koja su ključna za naše razumijevanje evolucije ptica i čovjeka.

Europski 'Ferrari svemira' bi u listopadu trebao pasti na Zemlju

Satelit kojeg je lansirala Europska svemirska agencija (ESA) ostaje bez goriva u oktobru, ali se ne zna gdje će i kada tačno pasti, a agencija kaže da će mjesto njegova pada moći preciznije odrediti neposredno prije očekivanog vremena ulaska u atmosferu kroz nekoliko sedmica

Europski satelit GOCE, nazvan Ferrarijem svemira zbog aerodinamičnog dizajna, koji je imao zadaću skupljanja podataka o zemljinoj gravitaciji sredinom ovog mjeseca bi trebao pasti na Zemlju. Satelit kojeg je lansirala Europska svemirska agencija (ESA) ostaje bez goriva u oktobru, ali se ne zna gdje će i kada tačno pasti, a agencija kaže da će mjesto njegova pada moći preciznije odrediti neposredno prije očekivanog vremena ulaska u atmosferu kroz nekoliko sedmica.

Uzimajući u obzir da su dvije trećine Zemlje pokrivene okeanima i da su velika područja kontinentata rijetko naseljena opasnost po život ili imovinu vrlo je mala. Svake godine na Zemlju padne oko 40 kubnih tona otpada, dijelova satelita i drugih proizvoda čovjeka, no rizik da netko bude pogođen manji je nego da vas pogodi meteor, kaže ESA.

Satelit je lansiran u martu 2009. i čitav projekt koštao je 350 miliona eura. Satelit kruži u orbiti na udaljenosti od 224 kilometra od Zemlje što je puno bliže površini planeta od drugih satelita ili Međunarodne svemirske stanice koja kruži na visini od 400 kilometara.

Satelit je protekle četiri godine prikupio najpreciznije dosad podatke o varijacijama gravitacijskog polja Zemlje a stvorio je i prvu kartu visoke rezolucije na kojoj je vidljiva granica između zemljine kore i omotača. Očekuje se da će se najveći dio satelita raspasti prilikom ulaska u atmosferu no ESA kaže da bi neki veliki komadi mogli pasti i na Zemlju.

Ured ESA-e za svemirski otpad prati kretanje satelita GOCE i objavit će procjene rizika u trenutku kad se bude očekivao pad satelita. Zanimanje javnosti izazvalo je više ulazaka satelita u atmosferu pa je tako 2011. NASA-in satelit UARS, nakon što je obavio funkciju, pao u Tihi okean a ruska svemirska stanica Mir navodno je izazvala probijanje zvučnog zida kada je 2001. pala u okean u blizini Fidžija.

Grand Theft Auto u nekoliko dana zaradio milijardu dolara

Peta veryija igrice Grand Theft Auto, najskuplje video igrice ikada napravljene, zaradila je nakon nekoliko dana na tržištu više od milijardu dolara, premašivši zaradu ne samo dosad najunosnije igrice Call of Duty: Black Ops II već i mnogih hollywoodskih blockbustera, objavila je kompanija Take Two Interactive Software.

Grand Theft Auto V se iščekivao s velikim nestrpljenjem, a pušten je u prodaju u verzijama koje su kompatibilne sa samo dvije konzole - Sonyjevim PlayStation 3 i Microsoftovim Xbox 360, ali se očekuje da će uskoro biti kompatibilna sa sljedećom generacijom konzola Xbox i PlayStation 4.

Prema procjenama, u stvaranje najnovije igrice iz serije Grand Theft Auto (GTA) uloženo je više od 270 miliona dolara što je proračun koji se može uporediti s proračunom najskupljih hollywoodskih filmova.

Od svojih početaka, igrice te serije prodane su u 114 miliona primjeraka. Grand Theft Auto IV je zaradio 500 miliona dolara sedmicu dana nakon što je igrica puštena u prodaju u aprilu 2008.



GTA je postao svojevrsni kulturni fenomen koji iznova rasplamsa rasprave o nasilju i sadržajima koji su neprimjereni za djecu.

Novi rekord: Apple u prva tri dana prodao devet miliona iPhonea

Čini se kako Apple ne gubi na snazi jer se i ove godine ponovio rekordni početak prodaje za novi iPhone. Kompanija iz Cupertino je objavila kako su samo u prva tri dana prodaje ukupno prodali devet miliona novih iPhonea 5C i 5S.

Uporedbe radi, prošle godine su u prvom vikendu prodali pet miliona novih iPhonea 5, a godinu ranije četiri miliona komada modela 4S. No, ove rezultate je teško direktno upoređivati jer Apple svake godine mijenja broj tržišta na kojima se lansira njihov telefon. Tako je ove godine među početnim zemljama bila i Kina, a značajno je i što su u prodaju krenula dva uređaja.

Apple se u svom saopštenju pohvalio i kako je od 18. septembra novi iOS 7 našao put na čak 200 milijuna iOS uređaja, što je po njihovim riječima, najbrža softverska nadogradnja u istoriji.

- Iako smo rasprodali početnu zalihu iPhonea 5S, novi primjerci dolaze stalno u trgovine i cijenimo strpljenje naših kupaca - navodi Tim Cook u saopštenju Applea.



BMW-ov izazov Porscheu i Ferrariju



Plug-in hibridni kupe do stotke ubrzava za samo 4.4 sekunde, a u prosjeku troši 2.5 l/100 km.

BMW je na frankfurtskom autosalonu (International Motor Show) konačno predstavio produkcijsku izvedbu modela i8 kojega smo prvi put imali prilike upoznati još u avgustu 2011. godine.

Podsjetimo, riječ je o plug-in hibridnom kupeu opremljenom 1.5-litrenim, 3-cilindričnim, benzinskim turbakom snage 231 KS i 320 Nm koji pokreće stražnje točkove te elektromotorom snage 131 KS i 250 Nm koji pokreće prednju osovinu.

Dvojac zajedno isporučuje 362 KS i 570 Nm okretnog momenta, dovoljno za ubrzanje 1490 kilograma teškog kupea iz mjesta do stotke za samo 4.4 sekunde, odnosno do najveće brzine koja je elektronički ograničena na 250 km/h.

Impresvive performanse popraćene su skromnom potrošnjom goriva koja se u kombiniranom europskom ciklusu (NEDC) kreće oko 2.5 l/100 km, uz emisiju ugljičnog dioksida (CO₂) od svega 59 grama po prijednom kilometru.

Plug-in hibridni i8 može se kretati i u električnom načinu rada koristeći isključivo energiju iz litij-ionskih baterija kapaciteta 5 kWh. Najveća brzina tada iznosi 120 km/h, dok se najveći domet kreće oko 35 km. Ukupna autonomija premašuje 500 km.

BMW-ov sportski automobil budućnosti na tržište stiže krajem ove godine, a za osnovni model u SAD-u će biti potrebno izdvojiti 135.700 dolara. Cijena za Europu tek treba biti objavljena.



PARS CAR SALES
PEOPLE HELPING PEOPLE

AT PARS CARS,
WE'RE TELLING YOU...

BAD CREDIT
DON'T SWEAT IT!

OVER 500 VEHICLES AVAILABLE

WITH THE **EASY as 123**
Credit Program

MT. ZION
6823 Mt. Zion Blvd.
Morrow, GA 30260
404-641-9682

Pažnja!
Zapošljavamo Auto Mehaničara sa iskustvom od 5 godina

Visit **www.AtlantaGiant.com**

**NEED A CAR...
JUST COME
AND GET IT!**

**NEED A CAR LOAN?
WE HAVE THE
SOLUTION!**

Olde Salem Apartments

CALL FOR SPECIAL OFFERS*

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

**Za sve informacije na našem jeziku
obratite se Nermini. Tel: 770-963-7057**

345 Stone Mountain St. - Lawrenceville, GA 30045
Directions: I-85 North to 316 towards Lawrenceville/Athens.
Exit GA 120 East & turn right. Go about 1 mile to Langley Dr.
& turn right. Turn right at Constitution & turn right onto Stone
Mountain St. We are on the left.

NO APPLICATION FEE! **

*Prices & Specials Subject to Change. **With Approved Credit.




“Epizoda iz života berača željeza” bh. kandidat za Oscara

Udruženje filmskih radnika BiH donjelo je *Od-luku* da je ovogodišnji kandidat ispred Bosne i Hercegovine za nagradu Oscar film “Epizoda iz života berača željeza”, reditelja Danisa Tanovića.

Film je uspješno prikazan na ovogodišnjem Berlin Film Festivalu u glavnoj selekciji, te je osvojio Srebrnog medvjeda za najbolji film i Srebrnog medvjeda za najboljeg glumca (Nazif Mujić). Nakon toga film je prikazan na brojnim festivalima, a otvorio je i ovogodišnji Sarajevu Film Festival. Film je producirala bh. produkcija SCCA/Pro.ba na čelu sa producenticom Amrom Bakšić Čamo, te A.S.A.P. iz Francuske sa producentom Čedomirom Kolarom.

Članovi komisije, koja je ranije potvrđena od strane Američke Akademije, bili su: Nedžad Begović, reditelj; Adnan Čuhara, producent; Almir Đikoli, direktor fotografije; Alen Drljević, producent; Vedran Hrustanović, scenograf; Zijad Mehić, montažer; Ines Tanović, rediteljica; Samir Smajić, producent; i Elma Tataragić, scenaristica.

Mogućnost prijave, prema pravilima Američke Akade-



mije, imali su producenti sa bh. dugometražnim filmovima koji su distribuirani u periodu od 1.10.2012. do 1.10.2013. godine u kinima Bosne i Hercegovine najmanje 7 dana za redom, te imaju DCP ili 35mm kopije filmova. Odabrani film bio je ujedno i jedini bh. film koji je ispunjavao uslove Akademije, saopćeno je iz Udruženja.

“Politika i drugi zločini” seli u montažu

USarajevu je završeno snimanje drugog igranog filma “Politika i drugi zločini” mladog reditelja Kenana Musića.

Dvadesetočlana ekipa, s rediteljem Musićem na čelu, snimala je na lokacijama grada Sarajeva te u improviziranim studijima.

U glavnim ulogama filma su Dragan Marinković Maca, Muhamed Bahonjić i Adnan Novo, a osim njih igraju i Muhamed Dupovac, Maja Nurkić, Mija Šego, Armin Fazlić, Rijad Gvozdenc...

Drugi Kenanov film opet realizira najmlađa filmska ekipa u Evropi, a budžet filma “Politika i drugi zločini” je 15.000 KM.

Trailer filma se očekuje tokom ovog mjeseca nakon čega će biti poznat i datum premijere.



**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

Hokejaš Ovečkin prvi nosilac olimpijske baklje u Sočiju

Slavni hokejaš Aleksandar Ovečkin imenovan je za prvog ruskog nosioca olimpijske baklje Zimskih olimpijskih igara 2014. godine u Sočiju.

Dvadesetosmogiđišnji Ovečkin, kapiten američkog NHL ligaša Vašingtona, biće učesnik ceremonije paljenja olimpijske baklje u drevnoj Olimpiji, u Grčkoj.

“Izuzetno sam dirnut i počastvovan što ću biti prvi nosilac olimpijske baklje. Takva prilika se dobija jednom u životu i nešto je što nikada neću zaboraviti”, izjavio je Ovečkin, trostruki osvajač priznanja za najkorisnijeg igrača (MVP) u najjačoj hokejaškoj ligi svijeta.

Olimpijska baklja stiže u Rusiju u oktobru i tokom četiri mjeseca putovaće kroz svih 83 regiona zemlje. Posjetiće 2.900 gradova i naselja na 65.000 kilometara dugom putu do Sočija na obali Crnog mora, gdje će 22. Zimske olimpijske igre biti održane od 7. do 23. februara sljedeće godine.

Ovečkin, koji je vjeren sa teniserkom, zemljakinjom Marijom Kirilenko, jedan je od najpopularnijih ruskih sportista.



U dresu nacionalne reprezentacije na svjetskim prvenstvima osvojio je dvije zlatne, jednu srebrnu i dvije bronzane medalje.

Pjanić: Obradovat ćemo naš narod sigurno

Utakmice sa Slovacima su bile puno teže nego što su svi očekivali. Kako bi sada kratko prokomentarisali iz svog ugla ove dvije utakmice?

Znalo se da će utakmice sa Slovačkom biti vrlo teške. U prvoy utakmici nismo sigurno pokazali pravo lice Bosne i Hercegovine. I to se vidilo u drugoy utakmici, gdje smo puno bolje igrali. Ja sam uvijek vjerovao u nas, i poslije prve utakmice sam rekao da smo mi bolja reprezentacija i da ćemo ih pobijediti u Slovačkoj! Ali veliki respekt Slovačkoj, koja će dosta namučiti Grčku!

Kako su reprezentativci proslavili tu noć poslije utakmice u Žilini?

Nismo ništa specijalno slavili. Bilo nam je drago, ali dosta nas je već odmah poslije utakmice otišlo za Beč pošto smo sutradan rano opet letili nazad u svoje klubove! Slavlje tek dolazi kad sve bude zvanično ako Bog da!


Novi igrači poput Bičakčića i Hajrovića su se pokazali kao pun pogodak. Koliko je sada svima lakše kada osim prvog tima imamo i jaku klupu?

Meni je uvijek drago kad bilo ko dođe igrati za našu reprezentaciju, pogotovo kvalitetni igrači. To nam dosta znači da imamo širinu u našoy reprezentaciji! Meni je drago što su obojica dali gol! To će im sigurno dosta pomoći da se još brže

uklope u našu reprezentaciju!

Lihtenštajn i Litvanija su puno slabiji protivnici. Da li sada možemo definitivno obećati plasman u Brazil?

Obećati ništa, ali smo sigurno puno, puno bliži i mogu reći da nećemo propustiti tu šansu! Obradovat ćemo naš narod sigurno!



Od čuvanja krava na Stupu do života u Trampovom komšiluku

Ime Mladena Tomića dobro je poznato ljubiteljima narodne muzike. Ovaj šezdesetšestogodišnjak u estradnoj biografiji ima veliki broj hitova kao što su "Crveni karanfili", "Gordana", "Slađana", "Marija", "Jedini družo moj"...

Rođen je u sarajevskom naselju Stup. Nikada se nije stidio svog porijekla i ne krije da je odrastao u siromašnoj porodici, da su često bili i gladni, kao ni to koliko je maštao i težio da postane pjevač dok je kao dječak čuvao krave i svirao frulu.

- Život me na početku nije mazio. Moja porodica bila je sirotinja u pravom smislu te riječi. Roditelji Ljubica i Blaško imali su, pored mene, dvije kćerke Jerku i Ankicu te još jednog sina Mirka. Otac je bio šofer, a majka domaćica. Nailazili smo na mnoge poteškoće. Živjeli smo doslovno od zemlje i dvije krave koje smo imali. I pored toga, niko od Tomića nije uradio nešto čega bismo se poslije stidjeli - prisjeća se Mladen. Već kao šestogodišnjak Mladen je pokazivao veliku ljubav prema muzici.

- Čuvao sam krave, svirao frulu i pjevušio. Uvijek su mi uzori bili Himzo Polovina, Zaim Imamović, Safet Isović, Predrag Živković Tozovac... Moj talent prepoznali su u osnovnoj školi i redovno sam učestvovao na priredbama. Već sa 12 počeo sam učestvovati na takmičenjima na kojima su se okupljali pjevači iz Dogloda, Stupa, Otesa, Briješća... Sa samo 14 bio sam prisiljen da, zbog neimaštine, pjevam u kafani. Kako bih pomogao roditeljima da nas hrane, preko dana sam bio na nastavi, a navečer sam pjevao u kafani na Ilidži - otkriva Mladen.

Nakon što je završio Srednju mašinsku školu u Sarajevu, radio je dvije godine u "Energoinvestu" u Lukavici, a poslije vojnog roka vratio se muzici i 1970. učestvovao na Ilidžanskom festivalu.

- Imao sam sreću da sam dobio pjesmu Irfana Ajanovića "Gordana". Ona je bila posljednja na spisku i niko nije htio da je pjeva. Na Ilidži sam s njom pobrao simpatije publike. Ilidža mi je definitivno preokrenula život - kaže Tomić.

Većina njegovih pjesama govori o ženama i nazvane su po njihovim imenima.


- One su moja ljubav. Takav mi je život. Nikada se nisam ženio, ali sam imao dobre prijateljice u životu. Svaka me je žena u životu voljela na svoj način, a i ja nju. Iako s njima nikada nisam stao pred matičara, nije bilo svađa, to je bilo prijateljstvo do groba. Nisam bio žigolo, kao što neki pričaju. To su čiste gluposti - nastavlja Mladen.

Početak 1974. otišao je na turneju u Njemačku, gdje je upoznao Njemicu Elizabetu Lermajer.

- Ona je bila bogata dama. Tražila je od mene da napustim estradu i da živim u Njemačkoj. Ona mi je dala sve, od zlata do automobila. Kada sam krajem 1974. došao u Sarajevo Mercedesom SLC, odmah su me uhapsili. Uzeli su mi pasoš i malretirali me tri mjeseca. U to vrijeme u Sarajevu je takav automobil imao samo možda Džemal Bijedić ili Branko Mikulić. Čim su mi vratili pasoš, otišao sam u Njemačku - kaže Tomić.

U Sarajevo se vratio 1984. i uz pomoć Lize, kako je Elizabetu odmila zvao, otvorio je restoran "Mona Liza" na Stupu.

- Htio sam da živimo zajedno u šeheru, ali Elizabeta nije



Mladen Tomić

bila za to. Željela je nazad, u Njemačku. Pomogla mi je da napravim veliku kuću i restoran. Na estradu u Jugoslaviji vratio sam se na velika vrata s hitom "Crveni karanfile" koji mi je uradio Nazif Gljiva - kaže Mladen.

Godine 1986. počeo je turneju po bivšoj Jugoslaviji, a u Dubrovniku upoznao drugu ženu koja je obilježila njegov život.

- Tamo sam upoznao moju groficu od Romanova Anju Bagle. U pauzi nastupa ona mi je došla. Rekla mi je da lijepo izgledam i da sam počeo rano da sijedim. Sudbina je htjela da ostanem u Dubrovniku još nekoliko dana. Ona je svake večeri dolazila na moje nastupe. Kada smo se rastajali, ona je uzela moju adresu u Sarajevu, a ja njenu u Njujorku - kaže ovaj estradni veteran.

Nakon mjesec, na njegovu adresu na Stupu stiglo je pismo u kojem je bila avionska karta za Monte Karlo.

- Iako sam posljednjih godina živio veoma bogato, tek sam tada vidio raskoš. Imao sam ličnog vozača, masera, vilu s velikim bazenom. Potom sam imao turneje širom Evrope, a onda sam, na Anjin poziv, otišao u Ameriku. Bili smo prvo u Njujorku, a potom na Floridi. Ona je imala tu basnosnovnu vilu i u komšiluku su živjele porodice Tramp i Kenedi. Skupa smo bili više od dvije decenije, a ona je umrla prije godinu. Ostavila mi je stanove u Beču i Parizu, kuću u Makarskoj i još mnogo toga - otkriva Tomić.

S Anjom je, kako kaže, uzduž i poprijeko obišao svijet i bio u desetina zemalja.

- U posebnom sjećanju mi je put oko svijeta, koji je trajao nekoliko mjeseci. Bio je to luksuzni brod sa milijarderima koji su bili smješteni u 25 kabina. Znao sam se ponašati i među bogatašima, ali i među kokuzima - kaže Mladen.

- Kupio sam komad zemlje na kojem je bilo smeće. Napravio sam etno-kuću i pojedincima se to nije dopalo. Napravio sam Gospu ne zbog sebe nego zbog susjeda, katolika Bosanaca. Za mene su Hrvati u Hrvatskoj - kaže Tomić.

Tomić se u posljednje vrijeme često druži s kolegama s estrade.

- Napravio sam dva lijepa druženja kod Armina Šakovića i jedno kod mene u Kreševu. Bilo mi je drago vidjeti Hanku Paldum, Amelu Zuković, Nazifa Gljivu, Ibru Mangafića, Seju Pitica i sve ostale. To je nešto neprocjenjivo - kaže Mladen.

Slavni koji ne žele djecu

Oni su talentovani, lijepi, bogati i uspješni, ali ne žele da prenesu svoj genetski materijal na slijedeću generaciju. Evo nekih od najvećih holivudskih zvijezda koje su javno priznale da nikada ne žele da postanu roditelji.



George Clooney

Jedan od najpoželjnijih muškaraca današnjice poznat je i po tome što otvoreno govori da ne želi ponovo da se oženi niti da dobije dete.

- Oduvijek sam znao da očinstvo nije za mene. Podizanje djece zahtijeva ogromnu posvećenost i čovjeku mora da bude prioritet u životu. Za mene je prioritet moj posao. To je i razlog zbog kojeg se nikada neću ponovo oženiti - kaže Clooney.

Ellen DeGeneres i Portia de Rossi

U ime ovog istopolnog bračnog para, o djeci je progovorila Portia De Rossi.

- Čovjek bi trebalo zaista da želi da ima djecu, a ni jedna od nas to nije željela. Dakle, što se nas tiče i u budućnosti ćemo ostati samo ja i Ellen, bez beba. Ali mi smo i najbolje prijateljice i bračni život nam je pravo blaženstvo - kaže Portia.

Cameron Diaz

Prije četiri godine i Cameron Diaz javno je istupila sa svojim ubjeđenjem da majčinstvo nije za nju.

- Ja vodim zaista nevjerovatan život. Ali taj život je takav kakav jeste zato što nemam djecu. Ne mislim da je pristanak na kompromis ako dobijete dijete, niti da je odluka da ne rodite dijete posljedica kompromisa. To su jednostavno dva sasvim drugačija izbora - kaže jedna od omiljenih holivudskih plavuša.

Mavis i Jay Leno

Voditelj jedne od najpopularnijih emisija današnjice i njegova supruga sa kojom je u braku više od 30 godina kažu da nikada nisu planirali potomstvo.

- Još u djetinjstvu sam donijela odluku da se nikada neću udavati, niti imati djecu - rekla je Mejvis Leno, koja je pri ovoj odluci ostala samo delimično, jer je u braku sa Jayjem još od 1980. godine.

Renne Zellweger

Renne je još jedna zvijezda sa holivudske A liste koja je bila iskrena u vezi svoje želje da nema potomstvo.

- Majčinstvo mi nikad nije bilo ambicija. Generalno nikad ne razmišljam tako i nikada mi se nije desilo da kažem sebi da ću na primjer do 19. godine da uradim nešto, ili da ću sa 25 biti na nekoj određenoj poziciji u životu. Živim dan za dan i stvari prihvatam onako kako se dešavaju. Samo želim da budem nezavisna i da budem u stanju da vodim računa o sebi. Sve ostalo mi je mutno - kaže ova holivudska glumica.



Kim Cattrall

Zvijezda serije "Seks i grad" u realnosti ne podsjeća mnogo na Samantu, čiji lik tumači, ali kao ni raskalašna Sam, nije željela djecu.

- Dok sam odgovarala na pitanja vezana za to kad ću i da li ću imati djecu, sve vrijeme sam osjećala kako nisam spremna da napravim taj ogroman korak. Biološko materinstvo jednostavno nije iskustvo koje ću proživjeti tokom ove životne avanture - rekla je Kim.

Lindsay Lohan se sukobila s Oprah



Lindsay Lohan u julu je puštena s rehabilitacije. Bila je na odvikavanju od droga i alkohola. Oprah joj je ponudila da uređuje i vodi vlastiti show na njezinoj OWN mreži

Kako piše TMZ, Oprah Winfrey (59) suočila je Lindsay Lohan (27) s ozbiljnosti posla koji je dogovorila s njom. Voditeljica se obračunala s posrnulom glumicom i objasnila joj je u šta se upušta.

Lindsay je govorila da se ne može potpuno usredotočiti na vođenje vlastitog showa, da traži stan u New Yorku, ali i da ima druge projekte. Kad joj je Oprah zaprijetila oduzimanjem dva miliona dolara u slučaju otkazivanja showa, Lindsay se predomislila i odjednom ozbiljno shvatila dogovor s Oprah.


Za Access Hollywood Oprah je priznala da je morala razgovarati s Lindsay kako bi bila sigurna da zna šta se od nje očekuje.

Mel Gibson postaje stočar

Holivudska zvijezda Mel Gibson, čiju su karijeru upropastili luđački ispadi i prijetnje bivšoj djevojci Oksani Gigorijevoj, odlučio je postati stočar!

U njegovom vlasništvu već je nekoliko godina farma stoke na Fidžiju, gdje bi uskoro mogao postati i savjetnik tamošnje vlade, prenosi RTL.

Nedavno se, naime, susreo s ministrom poljoprivrede koji mu je obećao tu poziciju ukoliko im pomogne poboljšati turističku ponudu.



“Moje zlatno doba u Hollywoodu je prošlo. Nije loše biti stočar, imam krave, ovce i koze”, objasnio je Gibson..

Richard Gere se razvodi

Richarda Gere (64) i suprugu Carey Lowell (52) nisu fotografisali zajedno skoro godinu dana i prijatelji bliski paru otkrivaju da su se jako udaljili. Par je u braku bio 11 godina, a sad se navodno planiraju razvesti.

Page Six piše da su se glumac i Bondova djevojka udaljili jer preferiraju potpuno različite životne stilove. On živi po pravilima budizma i voli miran život daleko od očiju medija, dok ona uživa u slavi i pompi te druženju s drugim zvijezdama.

Prije nego su se vjenčali, Gere i Carey bili su u vezi sedam godina. Zajedno imaju 13-godišnjeg sina Homera.

Od početka ove godine nitko ih nije snimio zajedno. Posljednji su put viđeni kao par u javnosti na dodjeli Zlatnih globusa u januaru.



**OVAN** (21.03 - 20.04)

Ljubav: Osjećat ćete potrebu za nježnošću i bit ćete naglašeno emotivni.

Zdravlje: Sredinom mjeseca razmišljat ćete o mogućim poboljšanjima.

**BIK** (21.04 - 20.05)

Ljubav: Ukoliko ste u stalnoj emotivnoj vezi, održavat ćete to što imate i neće vam biti teško potruditi se oko voljene osobe. Zdravlje: Uzimat ćete sredstva za jačanje imuniteta.

**BLIZANCI** (21.05 - 20.06)

Ljubav: Prija vam nečije prisustvo, ali vam nedostaje dobra prilika da ostvarite namjere.

Zdravlje: Izbjegavajte napete situacije.

**RAK** (21.06 - 20.07)

Ljubav: Iskazivanje sopstvenih, najdubljih osjećaja, neće donijeti ništa negativno.

Zdravlje: Osjećate se zdravo.

**LAV** (21.07 - 21.08)

Ljubav: Da biste postigli što više iskoristit ćete šarm i zabavljat ćete ljude s kojima ste bliski.

Zdravlje: Uobičajeno, bez pogoršanja.

**DJEVICA** (22.08 - 22.09)

Ljubav: Pokazat ćete koliko vrijedite, i to na vrlo šarmantan i privlačan način.

Zdravlje: Odlično se osjećate.

**VAGA** (23.09 - 22.10)

Ljubav: Nećete biti bezobrazni, ali ćete se truditi da vama bude prijatno.

Zdravlje: U mirnom ste periodu, bez promjena.

**ŠKORPIJA** (23.10 - 22.11)

Ljubav: Skrivate ljubavni život jer mislite da bi te osjećaje neko mogao okrenuti protiv vas.

Zdravlje: Ne može biti bolje.

**STRIJELAC** (23.11 - 20.12)

Ljubav: Vaš bi se ljubavni život sasvim ugasio da je sve vezano uz vas i vaše ponašanje.

Zdravlje: Stanje je kao i prije, stabilno.

**JARAC** (21.12 - 19.01)

Ljubav: Osoba koja vam je draga učinit će sve što od nje budete tražili.

Zdravlje: Pazite se prehlade.

**VODOLIJA** (20.01 - 18.02)

Ljubav: Briga za osobu koja vam je draga oduzima vam potrebno vrijeme da se posvetite osmišljavanju poslovnih poteza.

Zdravlje: Odlično se osjećate.

**RIBA** (19.02 - 20.03)

Ljubav: Spremni ste posvetiti se osobi koja vam se sviđa i koja vam je veoma draga.

Zdravlje: Promjene na bolje daju vam snagu.

Mala riznica velikih misli

*Leonardo da Vinci* (1799 - 1850)

Kao sto željezo zahrđa ako se ne upotrebljava, a voda se pokvari i kad je zima sledi, tako se i ljudska sposobnost uništi bez vježbe.

*Winston Churchill* (1874 - 1966)

U ratu: odlučnost. U porazu: prkos.

*Johann Wolfgang von Goethe* (1749 - 1832)

Vladare treba uvijek kritikovati! Političke se greške, doduše, kažnjavaju same, ali ćete ih vi platiti.

*Mahatma Gandhi* (1869 - 1948)

Moramo pružati otpor ugnjetavanju, ali nipošto ne smijemo nanositi zlo ugnjetanju. Njega moramo pobijediti ljubavlju - otkazati mu poslušnost, makar po cijenu života.

*Honore de Balzac* (1799 - 1850)

Ni jedan osjećaj čovjek ne podnosi tako teško kao sažaljenje, pogotovo ako ga zaslužuje. Mržnja ga krijepi, daje mu života, buđi u njemu osvetu; samilost ubija i još više slabi njegovu nemoć.

Jesu li pedesete stvarno nove tridesete?

Psiholozi objašnjavaju da u toj dobi još imate sve mogućnosti i dovoljno ste stari da budete slavni ali i dovoljno mladi da, primjerice, započnete organsku farmu.


Slično istraživanje provedeno prije 10 godina pokazalo je da je tada idealna životna dob bila 41 godina. Anketa je pokazala da bi muškarci prosječno željeli ipak zaustaviti vrijeme nešto ranije nego žene. Za muškarce je idealna dob 47, dok je za žene 53.

Oni s djecom vrijeme bi zaustavili ranije - u 45. godini života, a oni bez djece tek s 53 godine.

Psiholozi objašnjavaju da u toj dobi još imate sve mogućnosti i dovoljno ste stari da budete slavni ali i dovoljno mladi da, primjerice, započnete organsku farmu jer još imate mišićnu snagu za 8 sati rada dnevno.

“Dovoljno ste stari da imate potrebnu mudrost, ali dovoljno mladi da su vam roditelji još živi, pa imate generacijsko iskustvo. Ukoliko ste umorni dovoljno ste stari da zatražite mlađu osobu u autobusu da vam prepusti mjesto, ali još uvijek možete izlaziti s mlađim muškarcem”, kaže psihologinja Barbara Becker Holstein. “Doista mislim da je 50. godina života ono što su nekad bile 30-e”, dodaje.

Holstein kaže kako istraživanja pokazuju da sa starenjem imamo manje izgleda za depresiju, tjeskobu i optimističniji smo u odnosu na mlađe generacije. Uz to, sami smo sobom zadovoljniji kao i s našim tijelima.



Istraživanje je obuhvatilo 2252 odrasla Amerikaca svih dobnih skupina, iz svih dijelova zemlje i raznih političkih stajališta. Pitanje je bilo: kad biste mogli živjeti zauvijek i dobrog zdravlja u kojoj biste godini života zaustavili vrijeme? Prosječni odgovor bio je 50.

Osobe iz dobne skupine 18 do 36 godina kao idealnu dob odabrale su 38, oni u dobnoj skupini 37 do 48 odabrali su 49, oni u dobnoj skupini 49 do 67 odabrali su 55, a oni stariji od 68 odabrali su 67.

Muškarci imaju jači seksualni nagon

U potrazi za razlozima muške sklonosti aferama s drugim ženama istraživači sa Sveučilišta Teksas došli su do zaključka da je glavni razlog genetske prirode, a ne nedostatak kontrole kako se uobičajeno misli.

Ispitanicima u istraživanju pokazivali su fotografije osoba suprotnog spola s natpisima “loše za vas” i “dobro za vas”, a muškarci su puno teže odolijevali osobama koje su im se sviđale bez obzira na to što je pisalo na fotografijama.

Istraživanje je pokazalo da je snaga samokontrole jednaka kod muškaraca i žena, no spolni nagon kod muškaraca je bitno jači nego kod žena, pa bi im trebala puno jača samokontrola.

Voditelj istraživanja Paul Eastwick je zaključio da je problem kod muškaraca činjenica da je dovoljno da se samo malo opuste i njihov seksualni nagon će ih odmah natjerati da makar pokušaju osvojiti osobu koja im se sviđa, bez obzira na posljedice.



su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

1	6	4	2	5	8	9	7	3
5	3	7	1	4	9	8	2	6
2	9	8	3	7	6	1	5	4
8	2	6	5	1	7	3	4	9
9	4	1	6	2	3	5	8	7
3	7	5	8	9	4	2	6	1
4	8	3	9	6	5	7	1	2
7	1	9	4	8	2	6	3	5
6	5	2	7	3	1	4	9	8

8		4		7				
			5				6	
	1			2		9		
1		5	3		6	2		
	3						4	
		9	7		2	1		5
		8		6			1	
	4				8			
				3		7		2

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:
 Europa Magazine (pretplata), P.O. Box 867, Lawrenceville, GA 30046-0867
 E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____



E-mail: redakcija@europamagazine.info • Tel: 678.743.5731
 Europa Magazine (pretplata) • P.O. Box 867 • Lawrenceville, GA 30046-0867



Poslije udesa dva automobila u potpunosti slupana. Iz jednog auta izlazi zdrav i živ, markantan, zgodan muškarac. Iz drugog auta izvuče se nepovrijeđena lijepa, zgodna žena.

Muškarac joj priđe sa flašom vina koja je po sreći takođe nerazbijena i kaže:

- "Ovo je Božija volja i naša sreća. Mi se moramo upoznati i nazdraviti za naše buduće prijateljstvo."

Žena ga pogleda i pomisli: "Kako je samo lijep". Uzme flašu i nazdravi. Zatim pruži vino muškarcu da i on nazdravi. On uzme flašu i zatvori je. Žena ga pita:

- "Zar ti nećeš nazdraviti?"

Muškarac odgovara:

- "Ne, ja ću sačekati policiju."



Uđe mladić u apoteku i pita:

- "Imate li prezervativa?"

Kaže apotekar:

- "Imamo, naravno."

Mladić kaže:

- "Dajte mi onda jedan."

Ovaj mu da taj prezervativ, i taman da će

mu naplatiti kaže mladić:

- "Ma znate, idem na večeru kod moje djevojke da se upoznam s njezinima. Ona ima jednu predobru sestru, mislim da i njezina sestra nešto očekuje."

I tako mu apotekar da još jedan prezervativ, i taman da mu naplati kaže mladić:

- "Ma znate, mislim da i njezina majka očekuje nešto od mene. Dajte mi cijeli paket onda."

I tako mu apotekar da paket i naplati i ovaj ode.

Večera:

Svi sjeli za sto i pomolili se prije večere. Ali nakon što se sva djevojkina obitelj pomolila mladić se još uvijek moli. Kako je došlo glavno jelo, tako je i otišlo, a mladić se još uvijek moli. Djevojci to čudno i nonšalantno udari mladića nogom ispod stola i kaže:

- "Nikad mi nisi rekao da si tako religiozan!?"

Mladić odgovori:

- "Ni ti meni nikad nisi rekla da ti je otac apotekar."

vicemi

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem zemljište 470m2 Neum, iznad magistrale, pogled na more. Vlasništvo 1/1 struja, voda, tel. Završeni temelji i prva ploča 11mx14m, septička i čatrnja. Tel: 1 317 858 4780

Prodajem vikend kuću u Doboju, Trebavska 14 površine 5,5 x 7,5, prizemlje sa potkrovljem i 654 m2 zemlje. Cijena 30.000 km, vlasništvo 1/1. Kontakt telefoni: +387 33 971 652 (Sarajevo) i 904 733 0813

Prodajem renoviran stan u Zavidovićima kod bolnice, 76,5m2. Montaža. Cijena 60,000.00km. Tel: 904 739 0424

Prodajem stanove od 40m2 do 53m2 u Banja Luci-Novakovići, nova gradnja sa terasom, blindo vrata. Tel: 616-970-6504. E-mail: enkozdz@yahoo.com

Prodajem dva dvosobna stana u Sarajevu: Grbavica 52m2 i Hrasnica 42m2. Zemljište 5000m2/Blatnica-Mostar. E-mail: susac@rogers.com

Prodajem dva stana u Sarajevu oba vlasništvo 1/1: 65m2 (balkon 9m2) kod Socijalnog, 65.000 eura, 44m2 preko puta bolnice Koševo 50.000 eura. Tel: +387-33-644-294

Prodajem trosoban stan 83m2, III sprat u Lukavcu, novi dio grada. Namjestena kuhinja, blindirana vrata i jos mnogo toga. Tel: 904 514 2133

Prodajem nedovršenu vikendicu na Vlašiću sa svim urednim papirima. Tel: 678-313-9914

Prodajem kuću sa stvarima u Dvorovima površine 56m2 sa 2 duluma okućnice i voćnjakom. Kuća ima gradjevinsku dozvolu za eventualnu dogradnju. Tel. 619-913-7914 ili 858-558-0664

Prodajem kuću, Krajišina, Stolac. Nova gradnja, dvospratna, 1 dulum i 225m2. Papiri 1/1. Tel: 260-482-8013 ili 260-445-6093

Prodajem kuću, predgrađe Sarajeva, 140m2, telefon, struja, voda, 4 duluma zemlje sa 108 voćaka.

Tel: 011381 64 886 2544

Izdajem trosoban stan, Lawrenceville. Tel: 678 793 5400

Razno

Single, 50 god., from Duluth, Ga, black hair, blue eyes. 5'11", 185lb, traži partnericu do 50god. Goran E-mail: mlivotag@yahoo.com

Divorced man 50, 5'10", 200lb, black-gray hair, black eyes, non-smoker, looking for woman. E-mail: vatroslavkvadratic@yahoo.com

Žena 60. godina, živi u Njemačkoj, željela bi da upoznamuškarcu radi druženja i mogućeg braka. Tel: 01149 703 123 6738, Anka.

Prodajem kamion VOLVO 670 2003-950.000 milja, nove gume, hladnjak i mijenjač. Cijena \$12.000 Tel: 404-660-8229

Čuvala bih djecu u mojoj kući u Grayson-u. Tel: 678 333 6493

Bezbjedno čuvanje Vaše djece. Tel: 404 819 3419

Traži se žena za čišćenje kuća. Fleksibilni sati. Mogućnost dobre zarade. Sve informacije na telefon: 404-547-7017

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic Design Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM



	\$1.290
AUTOMOBIL	
	\$1.390
SUV/VAN	
	\$690
MOTOR	
	\$790
JET SKI/ATV	
	\$99
PAKET	
	od \$100
NAMJEŠTAJ (po komadu)	

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271